

عدد

۵

شاهیر آثار طباطبائی : عدد

۵

مؤلفی :

مولیر

ناقلی :

رفیقہ یاسنا

طابعی

جرمانہ

کتابخانہ سی

باب عالی ایجادہ سندھ

قیمتائی :

۲۰

غروش



بورغاک داندینی

بورغاكى داندینی

مؤلفی

ناقلی

مولیر

وفیوہ یا سا

مولیرك George Dandin عنوانی قومہ ہندوہ نقل ایدلشدر .

صاحب و ناشری



کتابخانه

تاریخ کتابت : ۱۸۶۲

صاحب : مہران

استانبول : شاپکلو بکاجی

استانبول — باب عالی جادہ سى « جهان » مطبعہ سى

۱۹۲۷

اشخاص

- داندینی زنکین بر کوبلی ، ایرینی نک قوجه سی
 قوقوئیچه ایرینی داندینی نک قاریسی و قاچیولا کی نک قیزی .
 بکزاده قوستا کی قاچیولا کی . بکزاده ایرینی نک باباسی .
 قوقونه از مراغدا قاچیولا کی نک قاریسی .
 بکزاده سمور قاش ایرینی نک یانینی (عاشق) .
 قادیبقو ایرینی نک بسله سی .
 یانقو کوبلی ، سمور قاش ک خدمتکاری .
 مارقو داندینی نک خدمتکاری .
 صحنه یورغا کی داندینی نک اوینک اوکی در .



يورغاكى داندینی

برنجی فصل

برنجی مجلس

يورغاكى داندینی ، يالکیز

داندینی — آه مکر بکیزاده قیزی نه عجایب مخلوق دیمک
ایمش! بنم اولنشم حدندن ایلرو کوز آتان کویلولره و بکیزاده
اوجاغنه چاتوبده اقراندن اوسته طرمانغه هوس ایدنلره آچیق
سهویلر بر درسدر . کشی زادهک کندی پاینه ایوشی .
الته چلیملک اعلاشی . آما انککلری اویله باشه بلا درکه
یلتنوبده بایه[*] سورتنان کدانک وای حالنه! بن بونی ایو او کرندم .
نیلیم که زیانی شمدی کندی صرتم چکیور . عقم صو کره دن
کلدی . بزم کبی کویلونک بکیزاده خاندانه کیرمسی نه آجی
زهر اولدیغنی هر کون طادیورم . چکلمز طورلرینی چکیورم .
بونلر بزم کبی انسانه خصم و یولداش اولماز کیسه سنه یقین اولور .

[*] بای - زنکین ، بک .

مالمزه نىكاح ايدرلر . بن بو زنكىنلىكمهله برابر كىندېنى بىندن
 بويوك طوتان برقارى يى المىقنن ايسه عادتاً كويلودن بر خيرلونك
 دامادى اولمق دها ابو اولوردى . همده كىندى قارىم بىياغى
 آدمى بيله بىكىنمىوب ، بىندن عارلانيور . قارىم بىكزاده قىزى
 اولمازدى اما بنى قوجه بيلوردى ، بن ده اومده آغا اولوردم .
 آه ماسترو [*] يوركى ! آه بلالو يورغاكى داندېنى ! سن كىندك
 ايتدوك بو خلطى ، بو بويوك خلط سنك عملوكدر . چكده محل
 اولسون . شمدى اوم باشمه زندان اوليور ، كىندى دلىكمه
 صوقولهيم ديسهم باش آغرىسى حاضر ! بلا قارشومه چىقار .

ايلگىنى مجلسى

يورغاكى داندېنى ، يانقو

يورغاكى داندېنى ، كىندى كىندېنه ، يانقونك اوندن چىقديغنى
 كورهرك — آه ! آه ! ... واى شو زوزهك نه كزييور بزم
 اوده !

يانقو ، كىندى كىندېنه ، يورغاكى داندېنى يى كورهرك — بره !
 بو حريف بنى كوزتليور .

داندېنى ، كىندى كىندېنه — بنى طانييور .

[*] ماسترو — افندى .

يورغاكى داندېنى

يانقو ، كندى كندىنه — عجباً بر سزدېگى واره ؟
داندېنى ، كندى كندىنه — باق ، بكا باش بيله كسميور [*]
بودالا !

يانقو ، كندى كندىنه — بىم بورادن چىقديغى قورقارم
واروب سويلر !

داندېنى — اوغور اوله !

يانقو — چلبىم عمر كز چوق اولسون .

داندېنى — سز صانورم بورالى اولما ملىسكز .

يانقو — خىر چلبى ، يارىشكى پناىرى كلوب سىر ايتدم .

داندېنى — اى جانم بكا باقسكا ، سن ظىم شو قپودن چىقدوك .

يانقو — صوس ! [**]

داندېنى — ناصل صوس .

يانقو — آمان صوس اول جانم چلبى .

داندېنى — اى نه واره ، نىچون صوس اولهيم ؟

يانقو — سكوت ، بىم بو اودن چىقديغى سويله ماملى !

داندېنى — نه ديو ؟

[*] باش كسمك - احترام ايچون باش اكك .

[**] صوس - صوص احمد و فىق پاشا افتنده ده بو كله يى

(صوصق) شكندده قىد ايتمشدر .

یانقو — ایشته نه دیو ایسه !

داندینی — آما نیچون جانم ؟

یانقو — یا بزی طویارلر ، شیطان قولاغنه قورشون .

داندینی — یوق یوق ، کیسه طویمز .

یانقو — بن بو اوك قوقو نیچه سینه یشیلانن برچابی طرفندن

کلام ، کیزلو سوز کتیردم . بونی کیسه بیلمیه جک . ذوقنه
وارد کز می ؟

داندینی — یا ، ای باق نه دیملی .

یانقو — (طولیون) بونک ایچون « ایشته کوزه ت کیسه

کوروب سنی آکلامسون » دیدیلر شمدی فرقنه واریور میسکز ؟

بن ده سزه یالوار یرم بنی کوردیک کزی صاقین کیسه یه آچیکز !

دوهی کوردو کی ، ییدن اولسون ! بن ایشمی کیزلو کورمسنی

سورم — (قتلا وینته) ! ! کلا یور میسکز .

داندینی — آه نه کوزل !

یانقو — (اوموس) هر کس دیورلر که قوجه سی پک قیصقاج

ایمش ، قاریسینه یانق [*] کلدیکنی استه مزمش . اکر ایش

قولاغنه کیده جک اولورسه قیامت قویور دیورلر . یرک قولاغی

وار . آکلادی کز می قازک آیاغی ؟

داندینی — ظاهر ظاهر !

یانقو — بو ایشلردن اونک هیسچ خبری اولماملی .

داندینی — هلبت هلبت !

یانقو — آنی اصولتله آلدایوب یره اورده جقلر، آکلا .

دکزمی اویوز اشک دستانی ؟

داندینی — نه دیمک ! نه دیمک .

یانقو — اونک اوندن چیقدیغمی کورد ککیزی بر یرده

سویلیه جک اولورسه کز پیشمش آشه صوغوق صو قاتارسکیز،

آکلیور میسکیز بامیه نک فضیلتی ؟

داندینی — نه شبهه بیه بللو ! آما او سنی کوندرهن آدمک

آدی نه اولیور عجب ؟

یانقو — بزم کویک شمدیکی آغایی بکیزاده .. نسته [*]

پوف (پوس طون انه) — نصل دیر لر . الله جزاسنی ویرسون

آدینی اویدوروب دیلی دوندیره میورم ... اوف ... آدی باتسون ...

سمو سمورقا کی ها ! چلبی سمورقاسی .

داندینی — هانی یا بر دلیقائلو ! اوی .. شو .. نسته ده ؟

یانقو — اوت اوت (مالستا) ... تا کندیمی ! ایشته شو

آغاجلرک آرقه سنده کی قرمزی قوناق .

داندینی، کندی کندینه — هی ! او درت درهم بر چکر دک

[*] تعجب و حیرت افاده ایدر .

یوصمه بونك ایچون مکر بزہ قومشواولمش، باق بروئم قوقویی
ایو آلمش که بنده تاس تمام آندن شبهه نیوردم .

یانقو — (ماطوئو) — والاهی نه کوزل آدم که بر اویله سنی دها
کوره مزسکنز! ساده شو قادینه کیدوب اورولدیغنی، هم ده
بریجک آنکله صحبت ایتک ایستدیکنی سویله بی ویرمک ایچون
اوچ دانه آلتون قایدیردی . بکا باری بر زحمتی اولسیدی! بن
بوتون کون چالیشهم، جام چیقسه ینه اون غمیش آلهم .
داندینی — سن ده او ایشی مجره بیلدو کمی باروم؟

یانقو — های های . ایچریده بر قادینقو وار، بنم نه دیدیکمی
او جن فکرلی قیز بردن آکلادی، طوغری بی کوتوردی
قادینله کورشیدردی .

داندینی، کندی کندینه — های خان بسلمه!...

یانقو — ماتین پیستی! او قادینقو نه دپه دن طرناغه کوزل
پارلاق بر قیز! عقلمی آلی ویردی . او قائل اولسه وارمغه،
آنی شمیدی آلوردم!

داندینی — اویله آما چلبی به قارش ولاق قادین نه جواب
ایتدی باقیم .

یانقو — دیدی که طور کوره می نه دیدی طوبیلايه -
بیلورمیم . ها! دیدیکه ... بکزاده یه دی که دیدی .. طور باقیم

ناصل قیووردی ... ہی ہی ، ہی ہی ہی . ہی ها بکیزاده نك
 کندیسینه اولان التفاتندن پك راضی اولدی اما قوجه سی
 بدخوی ، تئیز بر ایپسز صاپسز اولدینی سبیدن صاقین بر شی
 بللو ایتماسینی رجا ایتدی . برلکده صحبت ایتلری بر حیسه
 دوشونوب اویدورمغه محتاج اولور دیدی .

داندینی ، کنددی کندینه — های جانی چیمه سی قاری !
 یانقو — بره جانم نه چوق اکلنجه اوله جق ! او کله جك ،
 حریفك بو دولابدن هیچ خبری اولیه جق . ایشته بو چوق
 چوق تحف اوله جق . قیقصقا بخلق بلاسیله برونی صارقه جق .
 قویروغی قیصیلوب تاوه صاپنه دونه جك — زن اینه آلیشا !
 داندینی — کرچك اوبله .

یانقو — ای خوشجه قالکیز . آما سنی کسملی ،
 آغزی یوملی ، یوقسه بر آغزدن چیقان بیک آغزه یاییلور ،
 حریفده طویار .

داندینی — اویله یا ، اویله یا !

یانقو — آما بن هیچ بللو ایتم ! بیلمز لکدن کلورم ،
 ماتا ماتیم . بن چوق اینجه شیطانلق بیلور قورنازم . بنی کورن
 طینمار ملائکه صانور . ای خوشجه قالکیز چلبی !
 (کیدر)

اورمچی مجلس

يورغا کی داندینی (یالکاز)

داندینی — ای یورغا کی داندینی ! ایشته کور یورمیسین
 قاریک سکا نه اویون ایدر ؟ سنک اوکده هپ دوزن کیدر :
 کبار قیزی ایستردین اویله می داندینی ! ایشته اوده سکا هر
 درلوسنی یوتدورور . چاموره یاتوب بویوکک اولچیسنی آلدوک .
 سن اوجوکی آله مزسین ! سمرینی بیله دوکه مزسین . آنک
 بک زاده لکی سنک قولانی بوکر . کندی آشنی آرایان بولان
 قوجه هیچ اولمزسه عرضی زوریله حفظ ایدر . قاری کویلو
 قیزی اولسیدی شمدی صوبه صاللامغه بیله کوجوک یتردی .
 آما یوق سن کشی زاده لکدن طاقم استمدوک ، عزت
 صاحبی اولمسی قوردوک ، اووکده راحتوک سکا باتدی !
 کوروکدی شمدی حالوکی ! کشینک عزتی ده آئنده در ذلتی ده .
 چکوکدی شمدی بلاکی ! باق ، کندی اوکه صاحب
 اوله میورسین ، یوقلادیغوک چاقاق طاشی چیقدی . آه آمان !
 بر قیزیورم ، بر آفاتلیورم که کندی کنیدی طوقاتلایه جنم کلیورم .
 غمدن اولهم ، شمدی غیرتدن هلاک اوله جنم . اوککه [*] دن
 [*] اوککه دن — اوفکه . عاشق اوککه سی — موقت اوفکه (وفیق پاشا)

بوغله جفم . عارلانماز قاری هم اویناش خبرینه قولاق طوتار ،
 هم ده قلطاق اوغورسزه قارشولق وعدایلر . اما جانم چیقسون
 بونی یانسه قومام ، بو فرصتی قاجیرمام : همان وارهم آناسنه
 آناسنه شکایت ایدهم قیزلرینک بکا ایشله دیکی معرفتی کوزلریله
 کورسونلرده آندن اوجمی آلسونلر . هاه ! تمام ایشته بورایه
 ایکسی ده وقتنده کلیور .

دردنجی مجلس

بك زاده قوستا کی قاجیولا کی ، قوقونه از مراغدا قرهجه ،
 بورغا کی داندینی

بك زاده قوستا کی قاجیولا کی — نه در ، او داماد ؟ سزی
 تلاشده کوریورم .

داندینی — بوشنه ده دکل کوردیک کز یا ! بن توکلی ..
 قوقونه از مراغدا قرهجه — آه جانم داماد ، نه عجایب
 تربیه کز وارکه آدمی کور ویده . هیچ بر سلام صباح ایتمز سکز
 آغز یکن کراده می یوقسه ؟

داندینی — باشمده نه یلار اسر بیلسه کزده ا کا کوره
 سویلسه کز آقاین آنا .

قوقونه از مراغدا — وای ینسه می داماد ! جانم بو قدرده

دنیا سنی طانیماق، یا آدم کی مکله سولیشدیکنی بیامه مک اولور می؟
ارتق کبار قسمیله معامله یی سزه او کرت مکده قابل اولیه جقمی؟
داندینی — نه دن دولایی؟

قوقونه از مراغدا — بنم حضو رمدہ بویله تکلیف سزلک
ایتمکدن واز کلمکه، یا او یله یوزمه قارشو قاین انا دیمکی فراغتله
قوقونا طومنیچه دیو حرمت ایتمکه عقلیکیز ایرمیه جکمی؟
داندینی — اوف آمان! (ناساس خرو) — قربان اولهیم
سز بکا داماد دیر سکیز بن سزه قاین انا دیمه ملی می؟

قوقونه از مراغدا — بولقردی چوق صو کوترر، بش
پارمق بر دکلدز. شورایی معلوم اولسونکه بنم کی اصل سز ادیه
او قاین انا تعبیری سزک آغز یکیزک قاشینی دکلدز. بزه هر قدر
داماد اولدکیز ایسه ده ینه کندی مقدار کزی بیلملی: سزکله
آرامزده طاغ وار — (آمه) او یله یا!

بکیزاده — (اغا پیو) سو کیلی — قوقونه! یتر آرتق او
لقردی بی بوشلایلم [*]

قوقونه — آه جانم بکیزاده (ساس وه وئو) — سز بویله سکیز
بو مساعده ساده سزه مخصوص صدر خلقه حدینی بیلدر مک استمز سکیز.
بکیزاده — (مه سینخوریته) عفو ابدر سکیز — قوقونه بکا بو

(*) بوشلامق — آردینی براقق. واز کچمک.

بچدہ یول او کرہ دلمز . بن او کدمی (*) چوقدن آلم . عمرم ایچندہ
بن یکر می کرہ صلابتله اثبات ایتدم حق رعایتک قیلندن کچہ جک
آدم اولم دیغمی . اما شمدیلک بر اشارت الیرر ، عارفہ بر
کل یتر قوقغہ . ای داماد باقہ لم شو ذہنک زده کی کزن نہ اولیورہ
داندینی — مادامکہ دوزجہ سنہ ایشیمی سویلک اقتضا
ایدیور ، سزہ دیہیم افندیم بک زاده قوستاکی قاجیولاکی . . .
بک زاده — یواش ، داماد یواش ! معلومکن اولسونکہ
خلقک یوزینہ قارشو اسمیلہ چاغرمق ادب دکدر . کندیمردن
بیو کمزہ قیصہ جہ بک زاده دیو حرمتله خطاب ایتلی .

داندینی — (پولی قلا) — پک اعلا ! آمان آی پک ایو
قیصہ جہ بک زاده ، کہ (اوخی) — خیر ! بک زاده قوستاکی
قاجیولاکی ایشتہ سزہ دیہ جکم شو کہ بنم قاری
بک زاده — (آغالیا آغالیا) — یواش ، یواش ! طور داماد ،
طور جانم . شوراسیدہ معلومکن اولسونکہ بزم قیز مزہ اولہ
بنم قاری . . دینمز .

داندینی — پاتلایہ جغم ای شمدی قودروب چاتلایہ جغم !
وای قاری بنم قاری دکلمی ؟

بک زاده — (ذن اغواوخی) خیر دیم ! اوت داماد ، قیز من سزک

(*) او کد - او کود .

زوجہ کزدر آما کندی اقرانکزده دکلدر یا؟ ا کا حرمت
ایتمکز لازمدر . او سزك کفو کز اولسیدی اویله قاریم دیو
چیغرمق اوله بیلوردی .

داندینی ، کندی کندینه — آی یورکی داندینی باق نه
برزخلره اوغرادك سن ایتدوك بونی کندینه سن ! (یوکسك)
آمان لطف اید کز برازده بکزادهك دعواسنی بر یاه قویکز
مساعده ایلکز، بن شمیدیلک مراعی دیلک دوندیکی قدر سزه
سویلیهیم . (کندی کندینه) اوف بو باش اغریسی بلا یره
کیرسون ! او جاقلرینه انجیر دیکلسون ! آلنك قره یازوسی !
(بکزاده) اشته دیه جکم بوکه بن بو اولنمکدن هبیج خوشنود
اوله میورم .

بکزاده — وای داماد عجبا سبی نه اولیور ؟
قوقونه — (تی لوغوس) بو نصل سوز — بو قرابت سزه
آز نعمتمیدر ؟

داندینی — قوقونه دیرم چونکه اویله دیملی ایمش ! نه نعمت
وار بکا بونده صانکه ؟ بن اولندیکمک نه خیرینی کوردم باقم ؟
بو او یون سزجه فنا اولدی ، (مه سیمیاثیو) بن اولمسیدم ایشکز
دومان ؛ حالکزیمان ؛ امور کز طارمه طغان ایدی . بنم پاره لر سزك
قوجه قوجه قوغوقلره دلیکلره یما اولدی (پولی قلا) پك ایی — آما
بن نه او کرندم باقم ؟ آدیمه بر قویروق طاقوب اوزاند کز یورکی

داندینی، واقعا سزك سایه كزده شمیدی چایی یورغا کی داندینی
اولدی، قز انجمن کارمن بومی؟ آلدوك ایك صاندوك ایك،
قنی کارك آكوپك؟

بکزاده — وای داماد سز قاجیولا کی خاندانه انتساب
افتخارینی از بر دولتمی صانیورسکیز کندیکزه؟
قوقونه از مراغدا — یازم صویمز صوپمز بکزاده قره جهلر
خاندانی؟ بزم سلاله سزك قیز طرفندن بیله اولاده نجابتی کچر،
هم بافرمان امتیازلودر، زادکان شرفیله آکلور. بوامتیاز شرفنه
سزك اولاد کزده کشیزاده اوله جقدر. بونی آکلامیور میسکیز؟
داندینی — نه کوزل، اولادم کشیزاده اوله جق اما بر
چاره سنه باقلمز سه بن پشین کپازه لکی طاقنه جغم، بر قوس قوجه
قوقوروس [*] اوله جغم.

بکزاده — داماد بو نصل لقردی؟
داندینی — ای نصل اوله جق! اشته سزك قیز کز قادین
قادیجغه یاقیشور یولده کیتمیور کوردیکی ایشلر هب معده
بولاندریور، صاغ ایاق قابنه هیج بکزه میور.
قوقونه از مراغدا — (تئوس نافلاقسی) — داماد! کوزدیکز

(*) قوقوروس — سیوری، چپرکین قیقلی شی. قوقوروز لانتق —
دیگلمک، دیک کلمک، بوینوز لانتق.

کندیکنزی واروب او قودیکز ، سز آرتق پک طاشر یورسکز
آغز کنزی پک طاغدیورسکز . بنم قیزمک صوی صوی تمیز پاک
اویله ناموس کیرله ده جک شی قبولنه اصلا مستعد کلد رلر (ذن طون
قتا ذختی) - ذن طون قتا ذختی - ! اصل آماز صوی قوغار
تعقیب ایتک اوچیوز پیلدیر قره جه خانداننده حمد اولسون
دیله کلش بر قادین یوقدر .

بکزاده - (ماطوسپائی توپا ترامو مغاسبشاری!) - یا قاجیولا کی
خانداننده هیچ اویناق قادین ایشیدلمشی ؟ بزم اوجاغمزلک
ارک کلرنده نیجه اکم شجاعت میراث اولوب کلورسه قادینلرنده ده
طوغدینی کونده اهل عرضلق ایشلدار ، حمد اولسون آلمز
آچیق بر اکسیکمز کدیکمز یوقدر .

قوقونه از مراغدا - بزم اوروغمزده (*) بر النقوقره جه زاده
وار ایدی که مملکتک والیسی بر قوس قوجه قبه وزیرینه یوز
کیسه آچیه بیله رام اولدی :

بکزاده - یا بزم ایلقیمزده بر ماریچه قاجیولا کی وارمش
او زمانک مقبلی چاقرچی باشیسندن یکر می بیک غروش قبول
ایدوبده بر لحظه انکله ساده بر لقردی ایتمه سنه نقدر چالیشمشان
ایسه اوراضی اولماش .

(*) اوروغ ، اوروق ، ایلق - عرق ، سلاله ، قبیله ، یاقین خصم .

داندینی — یازیق که سزک قیز کیز او یله دیکباش تیز چیقمدی.
 نیم اومه کله لی نه پک اویصال خوی پیدا ایتش، همان انسیت
 آرایور.

بکیزاده — نه دیه جکسکیز صانکه، سوبلیکیزدی داماد.
 بز قیزمزک یولسز ایشلرینه صاحب چیقار آداملر دکلز، صوچنی
 اوکنه قویکیز بنده آناسیده آنک حقندن کلورز سزک آجیکیزی
 قومایز.

قوقونه از مراغدا — بز عرض بحثنده لطیفه کوسترمیز.
 کشیزاده لرده ناموس سوزی مسخره لقی می؟ آنی بز اولدچه
 صیقیده بیوتدک تربیه ایتدک.

داندینی — بن شوقدرینی بیلورم که شوراده بر دلیقانو
 وار آنکله صقاله قارشو (*) سویشور آندن عشق پیامی کلدی،
 اوده او ساعت دیکله دی قولاق ویردی قبول ایتدی. مرحمت
 اکا بلکه مرصدر!

قوقونه از مراغدا — (اوپسیموسطنا) اکا — آناسنک پاکدا
 منلکندن اگر آزیحق صاپتسه، اُنکنی ذره قدر لکله
 آنک بن کندی الجکزمه بوغازینی صیقاردم.

پک زاده — اگر عرضنی کیرلیه جک اولسه بن کندی
 (*) صقاله قارشو — آشکار، صقاله کولک — آلائی ایتک (وفیق پاشا)

خچرمی کو کسنه صاپلارم ، اویناشنی ده [*] برابر دپه لرم .
 داندینی — بن سزه نه اولوب کیتدیکنی سویلیوب شکایت
 ایتدم ، دادمی آرتق سزدن ایسترم .
 بکزاده — سز کدر ایتیکز . ایکیسندن ده دادکزی
 آلورم ، بن یاپه جغمی بیلورم : کیم اولسه اونی صیق بوغاز
 ایدوب حقکیزی آلفه بن حاضرم . آما دیدیککزی آئی
 بیلورمیسکزی !

داندینی — بره جانم نه دیمک !
 بکزاده — هله آئی کوزیکزی آچیکز ، کشی زاده
 آراسنده بو بر باتار سوزدر [*] ، ناموسله سزده کی کبی اوپله
 اوپون اولماز . بر یا کلش ایش طوتوب باشکزه درد آچیکز ،
 چوروك تحتیه باصمیکز ، اوپور بیلانک قویروغنه باصمق
 کیدر : زیرا بونده آدم وار طاغ قالدیرر ، آدم وار بر داری
 قالدیره مز .

داندینی — جانم دیدکرم هپ طوغریدر . ایکی یمیندن
 ایسه بر امین ! بو نه دیمک !
 بکزاده — (ظوئیمو) جانم — سز وار کن قیز کزدن بر سوز

(*) اویناش — دوست ، معشوق .

(**) باتار سوز — درشت ایکنه لهیجی سوز .

آکلامقده اولکیز، بن ده دامادله کیدر او آدمله سویلشورم .
 قوقونه از مراغدا — آه ارخوندامو! عجبا بویله شی اولورمی
 که قیز کندینی بویله بیلمسون! بیلورسکیز که آکا بن
 طوغریلقده، ادبدن ناصل اورنک اولدم، عمرم آکا نصیحتله
 کجدی .

بکیزاده — جانم شمدی ایشک کنهی میدانن چیقار .
 داماد سز بنمله کلکیزده هیچ قید ایتیمکیز، قساوت چکمیکیز
 بزم آدملمر مزه ایلیشنلر اولورسه بزنه مقام قوللانديغمز شمدی بچک
 سزه عیان اولور، کورورسکیز . هر یکدک (*) بر یوغورد
 یشی واردر .

داندینی — ایشته آراد یغکیز آدم بزه قارشو کلیور .

بشخی مجلس

بکیزاده قوستاکی قاجیولاکی، سمورقاش، داندینی

بکیزاده — افندیمو بنی طانور میسکیز؟

سمورقاش — اوخسکه ارخوندامو — خیر سزی طانیورم .

بکیزاده — بنم نامم قاراس قوستاکی قاجیولاکی اولور .

سمورقاش — ممنون اولدم افندیم کورشدکمز .

(*) یکد — بیکیتم .

بکزادہ — بنم اسمم در دولتدہ معروفدر: بن کنجکمدہ
مچہ سفر لرنده سردن کچدی دیوشرمہ لرینک پشلو آغلریلہ برابر
اک ایلک شان و شہرت قزائمشلردنم . یکیت اولور شان قالور .
بنی حالا دللردہ سویلرلر .

سمورقاش — (دولوساس) خا کپایکزه ارخوندامو! (ساس
فیلتاخر یاساس) اللرینی اوپر م .

بکزادہ — او مقاریتس سینخوریمنوس مغفور — رحمتک پدر
قوس پاولا کی پانتازی قاجیولا کی بالذات خوتن محاصرہ سنده
بولنق شرفیلہ مباہی اولمشیدی ، اندہ ترجمانلقہ عارج مدارج
علوشان اولمشیدی .

سمورقاش — پک مسرور اولدم بندہ افتخار ایدرم . امین
امین لغو امین !

بکزادہ — بنم اجدادمدن پوستلنیقوس آندرو بیقوس
قاجیولا کی دخی زمانندہ اولہ معتبر و محترم آدم ایدیکہ تا اول
وقتدن خاندانمک مالکانہ سنی صاتوب صاوب کلیہ سی بہ قدسہ
چکلوب کتمکہ مأمور اولدی .

سمورقاش — ای اینانورم افندیم ، اولغاندر . (*)

بکزادہ — بکا خبر ایتدیلر کہ سز بر تازہ خاتونہ

(*) اولغان — اولغان شی .

طاقلوب ارقہ سندنہ کزرمشسکز، او بنم کریمہ مدر. شو کور
دک کز آدمده دامادلغملہ شرفیاب اولمشدر : ایکسینکده سبینہ
بو ایش پک ملزمدر .

سمورقاش — کیم ! بنی ؟

بکیزاده — اوت رخصتکزلہ سزدن بو کیفیتی بر استفسار
ارزوسندہیم .

سمورقاش — بو برغریب بہتان افندیو! بویله شیشی سزہ
کیم سویلدی ؟ پراقسنون پراغمہ! — تحف غیبت .

بکیزاده — بر ایوجہ بیلدیکمنہ کوکنان آدم سویلدی .
سمورقاش — ای او آدم یلان سویلش بنم وقارم وار، سزہده
حرمت فائقہم آشکاردر، سزک متعلقاتکیزہ رعایتہ قصورایتم .
رذالقی ارتکاب ایلم، بویله لقردی بی سویلیان البت بر احق
اذعانسز بی ہرہ ادراک حیواندر، باشندن بیوک خلط ایتمشدر :
(اومولوغومہ نی سیقوفاندییا!) — تماماً بر افترا .

بکیزاده — ای بیورکز باقہلم داماد !

داندینی — نیہ باقہیم ؟

بکیزاده، داندینی بہ — جواب ویرکز ایشیدہلم .

داندینی — سز جواب ویرکز .

سمورقاش — او احق نادان کیم اولدیغنی بیلسہم، سزک

او که کزده خنجر می قارنه صاپلاردم .

بکزاده داندینی به — جانم داماد چابوق سوز کزی اثبات
ایلیکیز !

داندینی — بو اثبات اولمش شی: میدانده طوس طوغرو
بر لقردی .

سمورقاش — افندیو داماد کزی سزه بو خبری
بکزاده — اوت او کلدی شکایت ایتدی .

سمورقاش — ای او سزك داماد کز اولدیغنه چوق شکر لر
ایقسون ، ویرلمش صدقه لری وار ایمش یوقسه . نم کی بر آدم
حقنדה اوپله اسناد یامسنی ، آکا او کر دردم — طون خوندر ون
پالیانثروپون !

آلتنجی مجلس

بکزاده ، قوقونه از صراغدا ، ایرینی ، سمورقاش ، داندینی ، قادیقو
قوقونه — اوف آمان ! قصقا نجلق بلاسی عجایب دردا یمش !
اشته قیزی کتیر دمه که هیکزك او کنده ایش میدانه چیقسون .
سمورقاش ایرینی به — آ قوقونچه ، سز می بنی قوغا لارسکز
قوجه کزده سزه اورغون دیو ؟

ایرینی بن اوپله لقردی بی ناصل سویلرم؟ اوپله شی اولمشمی

عجبا؟ کیم دیدی قودی ایتمش؟ بکا عاشق اولسونلرده نید یورم
کورسونلر: کله جکی اولانک کوره جکیده وار سوز سویلیان جوایی
آلورا ظاهر! یانق حادقی اولان حیلہ بازلقلری قوللانملی! کیزلو
خبرلر... فراقلو تذکرہ لر... اشتیاق نامہ...
قوجہم اولمدینی وقت یاخود صوقاغہ چیقیدیغ زمان یولمی بکلیوب
سوز آتمہ لر شیوہ صاتمہ لر.. بونلری بتون یاملی ده بن ناصل
مقابلہ اید یورم کورملی!

سمورقاش — ای ای قوقونچہ! حدت ایتیکیز! کیم سزہ
بر شی دیمش؟ بن سوزا کلار آدم اذعانم وار!
ایرینی — نه بیاهیم یا! بونده نلر دیورلر بر کرہ باقسہ کیز!
سمورقاش — نه دیرسہ دیسونلر اما بن سزہ راست
کلد کیم زمان نه دیدیکمی کند کیز بیل یورسکیز بن سزہ باش
آغریسی دعوت ایدہ جک آدم دکلهم سزہ هم اقربا کیزہ زیاده
حرمت واردر لاتریانرا!

قوقونہ از مراغدا، داندینی به — ای کور یورمیسکیز داماد؟
بکیزاده — داماد ارتق کیفکیز کلدیمی نه دیرسکیز؟
داندینی — دیه جکم بوک بونلر رؤیا ایچنده مثله بکزر.
بن بیلدکمی بیلورم قورد مثلی دیکلهم دهسا دمین انک یانسه
میانجیسی کلشیدی اوده پک کوزل قبول ایتدی.

ایرینی — بنی قبول ؟

سمورقش — بنی خبر کوئدر مشم ؟

ایرینی — آقادیبقو کرچک اوپله می ؟

قادیبقو — جائه قرین اولسون ! بونلر دیبه لك (*) یلان

دوزن ! :

داندینی صوص ! سنی مردار جارس (***) ، سنك ته خلطار

ایتد کوکی بن بیلورم کلن کیدنی سن ایچرو آلورسین : سنی

طینمز ملائکه (***) سنی ! سن بکا نافله آغز صاتمہ !

قادیبقو — ایواہلر اولسون آ دوستلر ! زمانہ نه کوتو اولدی !

بنم کبی کندی حالنده اکیک انک کناہسزہ بویله افترا ! آہ !

داندینی — صوص خیرلو ایاق قابی ، صوص ادبسیز یرہ

باقار جکر یاقار خان ! بن سنی چوقدن بیلورم ها ! طبادینی

قاچر مه عالمیانه جی (****) .

قادیبقو — ایمان قوقونچه !

داندینی — صوص دیورم سکا نا بکار ! سندہ کتہ سیزاده

(*) دیبه لك — تمامیلہ . دیبنہ ، کوکنہ قادار .

(**) جارس — باغیر تمان ، شمتہ جی ، الی بایراقلی .

(***) طینمز ملائکه — سکوتی ، آغزینی آچایان .

(****) عالمیانه جی — دالایرہ جی ، اویونباز (ردحاض)

دکلسین یا! هېښنک جریمه سنی سکا اوده درم، آجیښنی سنک
صرتوندن چیقاروروم سنی چیریشلو پوستال! [*]

ایرینی — اما نیو یلان او یله بر اصلسز یلان! او یله یوزمه
ایشلیور که آغزیمی آچوب جواب ویرمه که مجالم قالمیور یاریقلر
اولسون، انسانه قوجه سی بهتان ایتک نه فنا شی. بنم اولانجه
صوچوم، قباحتم آنک خاطرنی چوق صایوب یوز ویردیکم،
ال اوستنده طوندیغمدر.

قادینتقو — ظاهر ظاهر!

ایرینی — بنم قباحتم آنی آدم یرینه قویوب صایینی صایدیغم
اولیور او یله می، باشمه بوقاقیلیور: کاشکه او یله صویه صابونه دوقنان
شیلری بن بیلسیدم عقم ایرسیدی یوره کم یاغزیدی قالك صاغیلجاق
بن چکیلوب باشیمی بر بوجاغه صوقیم، آرتق بویله ستمه
ایچم طیانهمیور.

یرنجی مجلس

بکراده، قوقونه از مراغدا، سمورقاش، داندینی، قادینتقو
قوقونه از مراغدا، داندینی به — قایمه نه! داماد بویله ایپک
کی خانونه سز لایق دکلسکیز.

قادینتقو — آند اولسونکه بن اولسیدم آنک دیدکلرینی

[*] چیریشلی پوستال - سورتوک قاری.

کر چکدن یاپارمده ، حالنی کوستردم : شوم آغزینک یوردیغنه
اوغرا دی . آنک آغزینک قوقوسنی کیم چکر سزده چلبی
صاقین دورمیکز مرامکیزی اجرایه باقکیز ، اونلو اونسز (*) بکا
افک ایدیوربنده کر چکدن آرایه کیرمده اوحالنی اوزمان اوکر نور .
(قادینقو چیقار)

بکیزاده — داماد ، ایشته بویله لقر دیلر دیکله مکه مستحق
اولدکیز ، معامله کیز هر کسی سزه خصم ایدیور .
قوقونه — هایدی هایدی داماد بردها بویله غلط ایشده
بولنمیکز بونی قولاغکیزه کویه ایدیکیز ! همد بکیزاده اوردینه
رعایت ایتکی اوکر نکیز .

داندینی ، کندی کندینه — حق بنم ایکن بن قباحتلو
چیقدیغمه چیلدیررم . نه یاپیم بیلیم ، قودور بورم شویله !
طوتوشیورم .

سکزیجی مجلس

بکیزاده ، سمورقاش ، داندینی

سمورقاش ، بکیزاده — ارخوندامو — باقکیز بکا نافله
بهتان اولدی سزده کوردکیز ؟ جنابکیزه اکمال ناموس ضوابطی
(*) اونلو اونسز — سبیلی سبیسز ، هر هانکی برایشده (ردحاوض)

معلومدر : عارفه تعریف حاجت دکل بکا اولان نقیصه نك اكمالنی
سزذن استرم .

بکیزاده — آمه آمه تی ناپی — جانم بوراسی پك طوغری
معاملات مرعیه نك اقتضاسیده بودر، هایدی باقهلم داماد چلبی یه
ترضیه ویریکنز !

داندینی — بره ناصل ترضیه جانم .
بکیزاده — ظـاـهـر یول بودر ، سز انلری یوق یره اتهام
ایتدکنز .

داندینی — اما یوق یره اتهام ایتدیکمی تصدیق ایتم ، بن
بهتاتی قبول ایلیم کوزمله کوردکی سوبلرم !
بکیزاده — تی مملی — جانم ! شممدی انکار ایدیوریا اشته
اوانکار سز ترضیه در سزده منکردن شکایت حقه کز قالماز . یول
ایله ارکانله شممدی سز اتهامی کیرو آلمالی !

داندینی — وای دیمک که انی او طه مک ایچنده قاریمله طوتسه م
انکار ایدیوریرسه ایش بیتر اویله می !

بکیزاده — ماتاموستا کیماطو اقساد دفومو — اوزاتمیکز
شونی ، شممدی آرتق قیاس برهان ایسته مز ! دیدیکم اعتذاری
ایدیکنز .

داندینی — بن آکا اعتذار ایدیم ها

بکزاده — هایدی جانم بونده ایلیشه جک بریر یوقدر .
 مادامکه بنم ائم ایشک ایچنده نه دن قورقار سکز ؟ بن اوک آیاق اولوردم .
 داندینی — ایدم جانم ایدم !

بکزاده — یوق اما کوزت ها ! بن ده شمدی چاییدن
 یانه اولوردم ، دیدیکمی یاپیکز باقم نه طوریر سکز ! ها ! قالپاق
 الله ! چلبی کشی زاده در .

داندینی ، کنددی کندینه ، قالپاغی النده — آه یورغا کی
 داندینی آه یورکی ! ایشته چیلدیره جغم ! آمان ! چیلدیردم !
 بکزاده — سزده بنم کبی سویلیکز باقمیم : چلبی عفو کزی
 نیاز ایدرم ...

داندینی — چلبی ...
 بکزاده — (داندینی نک اطاعت ایتدیکنی کوسستره رک)
 هی ! غلیغوراده !

داندینی — عفو کزی نیاز ایدرم .
 بکزاده — حق کزده سوء ظنه جراثمدن
 داندینی — حق کزده سوء ظنه جراثمدن
 بکزاده — سزه بنده لیکله مشرف اوله مدیغمدن قدر
 عالی کزی بیله مامشیدم .

داندینی — سزه بنده لیکله مشرف اوله مدیغمدن قدر
 عالی کزی بیله مامشیدم .

بکیزاده — رجا ایدرم لطفاً بنی بنده لکه قبول بیور کز.
 داندینی — رجا ایدرم لطفاً بنی بنده لکه قبول بیور کز.
 سمورقاش، داندینی به — آغا بن ده سزك مخلص کز اوله یم،
 کچمشی اونوده لم . (بکیزاده به) ارخوندامو — پاشا سزده عفو
 بیور کز که باشکزی چوق آغریتدق . (آدیوساس) — خدایه امانت .
 بکیزاده — (صاس پروسکینو) — عرض احترام ایدرم
 نه زمان رغبت بیور رسه کز سزی بزم چیفتلکده بر طاوشان
 آوینه دعوت ایدرم ، زغارلرم حاضر در .

سمورقاش — افندم لطفکیز مزداد اولسون ، محجوب
 بیور رسکیز . (چیقار)

بکیزاده — ایشته داماد انسان ایشینی بویله صلابتله ،
 کسکینجه کور ملی . سز خاطر کزدن چیقار میکیز که انتساب
 ایلدیکیز خاندان سزه هر ایشده صاحب چیقار ، آرقه قوتی
 اولور : اوکسوزی دوکشلر وای آرقم دیمش . کسه نک سزه
 تجاوزلاک ایتدیکنی جائز کورمز ، دشمنکیزك چا کنه اوت طیمقار .

طفوز نیمی مجلس

داندینی (یالکیز)

داندینی — الهی خاندان باشونده پاره لانسون ، جانوک

چېقىسون ! ھې اور عبالويه اور عبالويه ھا ! آما سن ايتدوك
 كندېكە يورغا كى بونلرى ، آرايى آرايى بولدوك آ داندېنى !
 تمام سكا محل : چك بلایى ده لاينوكى كور شمدى ! باقمىم
 واروب شونارك كوزلرىنى آچەجق و قىزلرىنك يىدىكى نىغايى
 قوقودەجق بر چارە بولە بيلورمىم كورەيم .
 (برنجى برده نك صوكى)

ايكنجى فصل

برنجى مجلس

قادينقو ، يانقو

قادينقو -- بوسىنك باشوك آلتىدىن چېقمە بر معرفت
 اولدىغى اوساعت آكلادم يا برىنە قاچر مشدر اوده بزم آغايە
 يتشدر مشدر ديدم .

يانقو -- (ماتى ظوئىم) - باشم ايچون بن قپو كزىدن چېقار كن
 برىنە راست كلدم ، بورادن چېقديغى كيمسە يە سويلە مسون ديو
 كچر كن شويلە يارى بچق قولاغنه قودم : آغزىنە بر بارمق بال
 چالدم ، بو مەلىكەتك آدملىرى نە يمان كۈەزە اولمالى آغزلىرىندە
 بقلە اصلانمور .

قادیبقو — اوخ! چلبی سمورقاش نہ ایی آغزی پک آدم
بولش سسچمہ سنی بزہ کوندرمش، اوکمدق بابانک اوکمدق
اوغلی ها!

یانقو — ماتیسقوفیامو — بن بردہادہ اطرافنی جن کی
کوزہ درم کوزمی آچارم ہر وقت عجبی جایلاق کی یانن قیچن
اوچولماز .

قادیبقو — ہا تمام ارتق صراسیدریا، بزہ صاغ قالور
کورورز .

یانقو — جانم قردیام — سن شمہدی بنی دیکلہ .

قادیبقو — ای نہ دیکلہیم!

یانقو — شو یوزنی آزیحق بکا دون، جانم ناخریس
تاماتیاسو .

قادیبقو — پک ایو دوندم نہ در باقمیم؟

یانقو — قادیبقو!

قادیبقو — ای جانم (اوریزمونساس) . قولکیز!

یانقو — (پولاکیمو) — پیلیجیم نہ دیہ جکمی سن ییلعزمیسین:

آچتی پتی؟

قادیبقو — یوق! !

یانقو — نامہ ساپسس — بن سنی پک سویورم .

قادينقو — يا كرچكىمى آدام !

يانقو — (او دياولوس نامە پاری) شيطان چارپسك بنى .

اينانكه بويله ، باق يمىن ايتدم .

قادينقو — اى باق نه ايو .

يانقو — سنك يوزينه باقدقچە يوركم بولانيور بالقليور !

قادينقو — اوخ باق نه اعلا !

يانقو — اخ ! آپسيخيمو ! ناصل ياپارسينده سن بويله

آيقيرى كوزل اولورسين !

قادينقو — ناصل اوله جق ، بنده ايل عالم كى ياپارم .

يانقو — جانم اوققه هر يرده درتيوز درهم : كم كوم

ايتمه لم نافله ! بنى استر واررسهك بنده سنى آلمغه حاضرم .

قادينقو — اما سنده بزم اغا كى قصقاج اولورسهك !

بن وسه سه لو قوجه لردن اكره ايتدم ، قوجه استرم كه زمانه

قوجه سى : برشيدن قورقوب آلمسون ؟ كوكل فرح قارن بول

اولوب اينانى اولملى ، بنم سودمه حواله ايتملى ، وفامه كو كىملى .

يانقو — قاريسنه اينانماق ، پشنه دوشمك پك حماقتدر .

خيرسنز قارى يوله گلز ، دها بتر شيطانلرى طوپلانور نافله

كورواتى چيقار ، صاقنان كوزه چوب دوشر . خيرلو قاريده

نقدر بوشلاسهك طوغريلق يولندن شاشمىز ، اما چوق ادا

ماشق اوصاندرر .

یانقو — طولپون — بن سکا هیچ قارشیم بیلد کوکی
ایشلر سین .

قادینقو — آه عقلی اولان اوپله ایدر باش اغریسنندن
قورتلور . بزه اینانانک قولانغی دینج کیسه سی سالم اولور .
اما بزه چکشان قوجه یی بزه اسیر کمز دید کلرز .

یانقو — تی تریازی — بزم کیسه اصلی اچیقدر ، سن
همان بکا وار جانم .

قادینقو — ای باقه لم کوررز ، وقتی کله .

یانقو — ای قادینقو کل بریجک !

قادینقو — ای هایدی باقهیم ، هایدی چوزل ؟

یانقو — جانم قادینقو ، بر باچه اودنج باچه !

قادینقو — ای طاشر مه ، هایدی کیت دیورم بن قاقه شاقه یه

کله مم . وار کیت ، چلبیکه سويله بن تذ کره سنی قوقونچه یه
یتشدررم .

یانقو — اخ (پولاکیمو) یاوروم قادینقو (قالهرا) :

صباحلر خیر اولسون . نیاز (*) کوزل .

قادینقو — اوخ اوخ ، نازک جوان .

(*) نیاز — تیتیز ، خویشز ، نازلی . (چوجوق حقنده) شیمارتیلیمش

یوز ویریلش .

یانقو — (قلیمرا، افخرستو) —! صباحر خیر اولسون
 تشکر ایدرم. طاش یورک، قیا کوکل، الماسدن سرد جگر!
 دنیاڭک الک قاس قاتی مرحمتسزی کوزل.
 قادینقو، یالکز — اوخ آفرین یانقو سکا! بونلر نه نازک
 جلوه لر اما صاول قوش کیت شمدی آغزو که بیر قورم، طادینی
 قاچر مه هایدی کیت باقم! قوجه سی یاندن آیرولورسه شو
 تذ کریمی اصول ایله قوقونیچه یه ویرهیم: صویی صمان آلتندن
 یوریدهیم.

ایکنجی مجلس

داندینی، ایرینی

داندینی — یوق یوق قوقونیچه، بن قولایلقله آلدانام،
 دکرمنده صقال آغز تدم: بکا ویردکاری خبر طوغری اولدیغنی
 بن ابو بیلورم. دمنیکی قارغه شه لقه کوزمی باغمد کز(*) نافله،
 حمد اولسون کوزم کورر.

اړینجی مجلس

سمورقاش، ایرینی، داندینی

سمورقاش، کندی کدینه، تیاترونک نهایتنده — وای اشته
 باغمق — سحرله کوزینی قاپامق. محاکمه سنی شاشیرتمق (ردحاض)

قو قونچه ، اما قوجه سیده یاننده .

داندینی ، سمورقاشی کوره میهرک -- سزک یانیشلرکز [*] ایله برابرینه بکا سویلدکلری کرچک اولدیغنی کندی طورکز دنده آکلادم ، بنم نکاحده اولدیغکیزی هیچ صایمیورسکیز کور - یورم (ایرینی ایله سمورقاش تمنا ایدرلر) امان جانم بکا تمنای براغکیز ، بن اوله کوسترش حرمتی استه مم : بنم دیدکم صایغینی مسخره یه آلیکیز .

ایرینی -- بنمی مسخره یه آلمق ، نه مناسبت !

داندینی -- بن سزک ذهنکزده کی کیزلری بیلورم . همد (ایرینی ایله سمورقاش تمنا ایدرلر) امانینه می ، آرتق استهزایده باشلامیم . واقعه سز بکزاده قیزی اولدیغکز - دن بنی کندیکزدن پک آشانی طوتدیغکیزی ابو بیلورم : ای کندیمه حرمت و تعظیم ایدکیز دیم ، مقصودم او دکل ، لکن نکاح عقدی کی مبارک و معزز بر عقده یه بورجلو اولدیغکز حرمتی بیلمامک سزه یاقشمز ، انی صایماق (ایرینی اشارت ایدوب سمورقاش کولر) . . . اوت سزه یاقشمز بوکا باشکیزی صالایوب صیریتقی لازم گلز ، یوزمده میمونمی اوینیور !

ایرینی -- بنمی ! بن نه یاپدم ، بیلمم که .

(*) یانیش - قیریمته و قیرینیش کی یاپمه ادا ، بدشیوه .

داندینی — آما بن بیلورم برونکزك بیوکلکیده معلومدر.
بن اصلزاده دکل اما صویم تمیزدر، داندیلر اوروغی
سمورقاش — بر لحظه سوزم وار سزه .

داندینی — هه !

ایرینی — خیر، هیچ آغزیمی آچیورم .
(یورغاکی داندینی قاریسنک اطرافنده دوزر، سمورقاش
قعظیمکار بر سلامله داندینی بی سلاملایه رق چکیلیر .)

دردنجی مجلس

يورغاكى داندینی، ایرینی

ایرینی — خیر، آغزیمی آچیورم .

داندینی — (سمورقاشی کوروب اوزرینه وارر) اشته
حریف بوراده بیله کلوب اطرافکزده دولاشیور .

ایرینی — ای قباحث بنده می، بن نه یاپام !

داندینی — نه یاپاجقسکز قوجه سنی صایان قادینجقلر کی
یاپکیز : نه دیرلرسه دیس-ونلر، قانجیق کوپک فویروغنی
صاللامسه ... سینک بر طمله پکمز قونار بر فوچی سرکه یه
کلز . اهل عرض و اتکی تمیز اولان قادینلرک طورى اویناش
قاچرر یمشسز آغاجه کیمسه طاش آتمز .

ایرینی — بنی قاچره‌یم؟ آی بنی کوزل دیو بکتنلره
 بنم جانم صیقلمز که، بن حظ ایدهرم. آنلری نیچون اینجیده‌یم؟
 داندینی — اوپله‌می! ای او جلوه‌لر اولوب قاری اوپله
 کیفنور کن قوجه نه یاپار؟

ایرینی — نه یاپاجق، قاریسنی بکندکلرینه اوکنور قولتو-
 قلی قبارر! ظریف آدم اولدینی بللو اولور.
 داندینی — بن سزک کوله کز اوله‌یم، اما بنم حساب بو
 دکلدر: داندینی خاندانده بو معامله‌یه ده‌ا آله‌ما مشلردر،
 کور کوزلو اولملر.

ایرینی — ای جانم استرلرسه اشته آله‌شورلر، خلق نیه
 آله‌مادی؟ بن الفت وانسیتی اکلنجه و جمعیتی براغوبده
 ایلدن کوندن، اشدن دوستدن ایراغ ترک دنیا کی قوجه‌مله
 برمزارد جانلو جانلو قیامق نیتنده دکل، او چکی (*) یه کله‌م،
 بوراسنی دوزجه سویله‌ملی‌یم. وای نه دیمک اولسون برآدم
 قورمش بنی آله‌ش دیو دیار انس ایلده جنس ایلده مناسبتی
 کسملی اوپله‌می؟ ای آرتق قوجه‌لق ایو ظالمک طوغریسی! بز
 جهان لذتندن کسلوب بیاغی اولو کی اوترملی اوپله‌می؟ اشته

(*) چکی - صیقنتی، نظام. چکی یه کله‌مک - صیقنتی یه کله‌مک.

چکی دوزن ویرمک - نظامنه، یولنه قویق.

عقللریله یاشاسونلر ، آدحققلر . بنم اوپله مثللر امورمده دکل ،
کنج یاشمده استیکمله اولمکه نیت طوتمدم بن جانم !
داندینی — یا بکا شهود قارشوسنده اولان تعهداتکزی ،
نکا حلق اطاعتنی بویله می رینه کتیره جکسکز ؟

ایرینی — بن سزه نه تعهد نه وعدلر ایتدم ! نکاحده بر
هه دیمک عادتدر دیو لقردی بی آغزمدن قوباردیلر : یوقسه
بنی آلمزدن سز بر کره بکا طانشد کز می ایدی ؟ آنامی بابامی
بکندکز ، آنلرک رضاسنی تحصیل ایتدکز ، اشته آنلری
آلدکز ، بکا بر شی صورولمدی ، برشکایتکز وارسه وارکز
شمعی آنلره آکلادکز . بن اسیر اولمش کی اوپله سوزمه
باش اکه عشقلوسی دکل ، بورجم وظیفه مده دکل ، لالنه الویرن
طیانسون : بوکاده بر دییه جکسکز وارسه پدرله والديه
سویلیکز . بن جانم کنجلیکمه طویه جغم ، شونده بش کون
عمرمز وار یاشمه باشمه کوره اکلنجه می آرام ، عالمی سیران
ایدهرم ، قولاغمه طاتلو سوز سویلیانلری دیکلر صفالنورم .
شکر ایدیکز که دهافناسنه قدر کیتمکه یرادلشمده میل یوقدر
یوقسه

داندینی — بونلر ناصل سوز ، جانم بوناصل آورد (*) !
بن سزک قوجه کزم ، بویله شیرلی استهم دیورم سزه
(*) آورد ایتک — یناغنی شیدشروب صارقتمق ، آغزی غلبه لوق اولق .

ایرینی — آما بن ایستیورم ، ایشته کوررسکیز نه اولور .
 داندینی ، کندی کندینه — آه شونک ادبسن یوزینی یوغروب
 صورتی پستیل ازمه سنه دوندرمسنی جانم بر استرکه !! بردها
 ا کا چان چان ایدن چاقینلر یوزینه بیله باقمه مسون آشفته .
 آه یورکی ! آه یورغا کی سنی کوردو کی ! کوردو کی ایتدکو کی !
 شورادن صاوشه یم کیده یم ، بلکه طوته مده المدن بر ایش
 چیقار . زیر جنلر باشمه چیقور ! کور شیطانک شرینه
 لعنت !!

بشیمی مجلس

ایرینی ، قادیبقو

قادیبقو — قوقو نیچمه آغانک کیتدیکنی بکلیوردم . بر
 ساعتدرکه درت کوزله باقیوردم ، آشنانک تذکره سی وار ،
 سزه ویره حکم

ایرینی — باقم (یواشجه اوقور)

قادیبقو — شو تذکره ده یازیلان شیلر بزم قوقو نیچه نک
 خوشنه کیدیور

ایرینی — آه قادیبقو — ! بو تذکره نه نازکانه یازلمش ،
 نه خوش ادا افاده ! قابوده باجاده رجاله ، کباره قارشان چلبیلر

بزم شهر خلقندن نه قات قات ظریف و ادیب اولورلر! طشره لو
آنلرك آياغی پابوشی اوله مز!

قادیبقو — قوقونچه آنلری کوره لی ظنمه کوره آغا داندینی
کیلر آرتق قومده اوینار.

ایرینی — سن بوراده بکله ده جوابی واروب یازیم.
قادیبقو — آزار یوزندن قویمیوب دوستی اور کوتمامسینی
و تلطفه مساعدده ایتسینی قوقونچه دن دیک ایتمه کورویورم
حاجت هیچ یوق: وای کیم کلیور!

آلتنجی مجلس

سمورقاش، یانقو، قادیبقو

قادیبقو — هاسزمیدکز بکزادهم بیورسونلر. طوغریسی
نه اوسته ساعی بولمشسکز، الکززه برکت، سزه تام ال اولاغی
اولور، ساعیلک آکا بیچیلش خفتان. ایلک کلیشنده ایشی
یوزینه بولاشدیردی.

سمورقاش — آقادیبقو — کندی آدملمدن کیمسه یی
کوندرمکه جسارت ایده میورم، آما ایشته سن وارسین یا
قادیبقوجم! هر ایشیمزک چاره سنی سن بولورسین: بیلورم
چوق ایشیمه یرادوک، طور سکا بخشش ویرهیم (جنی قاریشدر)

قادینقو — یوق جانم چلبی نه زحمت ، بنم سزه ایتدیکم خدمت رغبتمنددر . المده دکل ، سزه خدمت ایتمکه درونی میل وار .

سمورقاش ، (پاره یی ویرر) — یوق جانم قادینقو ! پاره ایچون دکل ، بن سنک چوق محجوبوکم قصوره باقمه . یانقو ، قادینقویه — بز اولنوب قاری قوجه اوله جق دکلی یز ؟ باری کتیروبده بو پاره یی ده بنمکیله صاقلایم . قادینقو — بونی ده باچه ایله برابر بن سکا صاقلارم . صبر ایت سن !

سمورقاش — عجیبا تذکره می او کوزه لم قوقو نیچه یه ویردکی ؟

قادینقو — اوت ، شمدی جوانی یازمغه کیتدی . سمورقاش — آه ! بر کن دیسیله کوروشمه نک یولی یوقیدر ؟

قادینقو — بنمله کلیکیز ، بر چاره سنی بولورز . سمورقاش — یوق آما رضاسی وارمی ؟ همده بر قضاسی اولسون .

قادینقو — خیر خیر ! بز آغایی قید ایتیز : ارخوندا ایله بیوک قوقونه طویمسون دیو کوزدیرز .

سمورقاش — آرتق بن سىنك رايوكه تسليم اولورم ،
 بىلدوكل كى ايشله !
 يانقو، يالكز — بره بزم قارى اوله جق يادكار نه شيطاندر ؟
 بره قىلى قرق يارار : درت كشى يى صاتار عقلى وار . اوخ
 قادينقو ، اوخ قادينقو !

يىرغى مجلس

يورغا كى داندېنى، يانقو

داندېنى، ياواشجه، كىندى كىندىنه — ها ايشته بزم دىمىنىكى
 صلاپاتى ! آه راضى اولوبده بكا سويله دىكى حريفلك او كىنده
 تقرير ايتسه ايدى ! آه بر كره شونك شهادتى دىكله ده -
 بىلسم !

يانقو — وای سزه مى چاندق كودزه چلبى ! آغز يىكزى
 طوتوك ديو سزه او قدر يالوار دىدم سزده وعد ايتدىكز ايدى،
 سزه سويلنن سر آغز يىكزده طور من اويله مى ؟ سرى سويله مه
 دوستكه آنك ده دوستى اولور دىمشلر يا ، بوش بوغازلر خرچى
 مقررلر تىكرلر نور بوشانور .

داندېنى — كىم بنى ؟

يانقو — يا بنى ؟ سز كىدوب هپ دىدكلرمى قوجه سته

یقیشدیرم شسکیز ، اوده باص ایتش کورولتی یی ! آما سزك
دیلمی اولدیغکیزی او کړندیکمه شمدی حظ ایتدم ، سزه آرتق
بر شی دیمه مکّه آند ایچدم : شو ایکی دوداقدن بر سر چیقاران
تره سدر !

داندینی — آما بنی ده دیکله دوستم .

یانقو — تلوس پاندون — اکر دیلکیزی ضبط ایتش
اولسیدیکیز ، بن ده شمدیجک اولوب کیدنلری بر بر سزه
آچاردم : آما شمدی ایشته بر شیجک سویله مم ، جزا کیزی
بولیکیز ، برونکیز سورترها !

داندینی — وای آمان جانم ! نه اولوب نه کیدیورمش که .
یانقو — خیر هیچ . تی پوتا — آرتق سویلرمی یم یا بن
آغزی قره یه ، ایشته جار جار ایدنک حالی بودر . بردها بنم
آغزمدن حوادث ، خبر طاده جفکیز یوقدر ! سز ایمره نکیز
آغزیکیز صولانسون ، بن ده آرتق کیده یم .

داندینی — جانم بر ازجق طور .

یانقو — پوته پوته خیر .

داندینی — بر تک سوز دیه جکم .

یانقو — خیر خیر ، جانم بن کیده رم ، آغز می آریوب
بکا بر ساقز چیکنه ده جکسکیز ! قاپارسکیز مه سیمبائیو .

داندینی — یوق جانم او دکل !

یانقو — هی هی ! سز بر احمق بولکیزده بونلری آکا
آکادیکیز . آرتق نه آلورسکیز بیلیم .

داندینی — دیکله بنی (قایم نه) زواللی — سوز اونده دکل !

یانقو — اولماز اولماز ، ایشته اولماز — اوخی که او یسکه .

چلبی سمورقاش بکیزاده ، قادیبقویه پاره ویردیکنی قادیبقوده
اونی قوقونچهنک یانه کوتوردیکنی بکا سویله دوب آغزمدن
لقردی قاپه جقسکیز آما نافله ، بن او قدرده اشک دکل ، بشقه
بدلا بولکیزه سویله ده جک ، بن سزک آغز بکیزک اولچوسنی
آلدم .

داندینی — آما یالوار یرم .

یانقو — (بوشیقو) نافله !

داندینی — ایسترسهک سکا پاره ویریم .

یانقو — بره ! آدامغله مال توکنمز ، الله اوده مکدن

صاقلاسون .

سکزنجی مجلس

بورغا کی داندینی ، یاکیز

داندینی — آه قوردیغمی شو سومسوکه یاپدیره میه جغم

آما بو سفر یومور طلالدینی تازه جواهرده او ایشی کورور ،
اگر او یوصمه کرچك بزم اوده ایسه بزم ادبسنك آناسنی
باباسنی قاندرمغه بوده یتر ، قیزلرینك جارسدنکنی ، دوزنبازلغنی
اك صوك آنلرده آكلار ، آما ناصل ایتسه مده بر ایپ اوجی
بولسه م ؛ بو خبر ایشمه یاراسه : ظاهر ، بن ایچری کیرسه م
چاقینی قاچیر یرم ، همده نه کورسه م سویلهسه م دمنسکی کی ینه
بنم آنده ، قسممه اینسانماز ! صایقلیور دیرلر . یوق آنلری
چیغرمغه کیسه م دونشده کیسه بی بوله مازسه ق ینه باشه بلا
آمالی ! هله بر آکلایم باقهیم (قیونك آناختار دلیکندن کوزتلر)
بره ! ذن اندرته پته - ایشته حریفی آناختار دلیکندن کوریرم ...
شبهه سی مو بهه سی یوق حریف بوراده ، بزم بوستال یقه بی اله
ویرور .. آرتق حیا سنزه دیر کورهم . نا ایشته تمام .. بختمه
آناسنی ده کلیور ، اونلر حاکم اولوب دعوامری کسرلر .

طقوزنجی مجلس

بکزاده قوستا کی قاچیولاکنی ، قوقونه از مراغدا ،

یورغا کی داندینی

داندینی — ای افندی ! دمن بکا اینانمادیکنز ، عاقبت
سنك قیزیکنك دیدیکی اولدی ایدی . آما بو سفر الده اثبات

وار ! قیزیگز بنی نه حاله قویور کوره بیلورسکیز حمد اولسون
بزم رذالت شمدی اوپله آشکارکه بودفغه سزده صو کوتورور
یرینی بوله مازسکیز .

بکیزاده — وای دامادینه می ، بر عبث یره باشد قواق
یللری می اسر ! ینه اسکی دعوامی ؟

داندینی — ای ظاهر ! ینه او غوغا ، همده شمیدیک الده
اولان اثباتلر بتون بتون

قوقونچه — آمان جانم ینه می باش آغریدیورسکیز ؟ قابکزه
قچاغکزه هیچ صیغمیورسکیز !

داندینی — اوت قوقونه ! بن باش آغریدیورم آما عیجا
نم باشمه نه لر کلیور .

بکیزاده — بزی تصدیعدن وازکلیه جکمیسکیز ؟ بر چه روك
خلیادان اوصانوب بزمیه جکسکیز ها !

داندینی — بن اغفال اولوب کپازه اولمقدن بزیورم آرتق
بیك کره بیقدم ، شمانه ایتمیم یا ؟

قوقونه — آه شوپله بوش خیاللردن حالا قورتولمیه -
جقمیسکیز ؟

داندینی — خیر قوقونه بن عرض می بوزان بر حیا سز
قاریدن قورتلق ایستیورم .

قو قونہ — قاقو خر ونا — لقر دیکزی بیلک زده سویلیکز۔
 بکزاده — ماتو پاپومو ! — آغز یکزی دوزہ لیکز ۔
 اول دوشونوب صو کرہ سویلیکز : کم سوز صاحبک در ۔
 پک طانسزلق بو آرتق ! مرطوال ! هپ مرطوال ! کیمسینی
 باطیران بازرکان کولمز جام !

قو قونہ — خوندروس — عقلکزی باشکزه آلیکز ،
 او بکزاده قیزدر آنی اونو تمیکزها !

داندینی — آہ ایشته اوراسی عقلمده ، اوراسنی بوتامیورم یا۔
 بکزاده — ای عقلک زده ایسه حق حرمتی اونو تمیکز،
 آنکله آشیق آتمیکز !

داندینی — اوف جانم ! کبار قیزی در دیو ادب سزلکی
 کونده لک طاقینسون ، بیلدیکنی ایستله سون ، بن آغز آچه مایم ،
 هیچ طینمایم اویله می ؟ بو نه بو ظلم ، وای ! هیچ انصاف اوتانمه
 یوقی ... آنامدن امدیکم سود برونمدن کلیور !

بکزاده — ای نه اولمش یتہ ؟ نه دیبه جککیز وار صانکہ !
 دوکلش صاحبامش نه در ؟ بو صباح شکایت ایتدیککیز آدمی
 قیزمز طانییوردی بیلہ ، هنوز کندیکز کورمندیکزمی ؟
 داندینی — ای ، آنی شمدی اویناشیلہ باش باشه برلکده

کوستیرسهم نه دیرسکیز !

بکزاده — ها! (خوندورو کفالی) — باش باشه می؟

قوقوئیچه — سزك اوده می؟

داندینی — اوت، کندی اوجکزمده .

قوقوئیچه — ای بزده سزکله برابر اولور قیزه چدیشورز.

بکزاده — ظاهر . بزه خاندانمك كوزل آدی هرشیدن

عزیزدر، اگر دیدیککز طوغری چیقارسه آنی ردایدرز:

سز آکا صوکره بیلدیککزی ایشلرسکز، آما دمینکی کبی

ینه یا کلش ایسه !

داندینی — الله عشقنه ، کلیکز جانم کوزیکزله ایشته

باقکز، کوریکز، یالانمی؟ (ایرینی ایله برابر چیقان سمورقاشی

کوستیر .)

اوتنجی مجلس

ایرینی، سمورقاش، قادیقو، بک زاده، قوقونه ازصراغدا،

داندینی ایله تیاترونك دیننده دورورلر.

ایرینی، سمورقاشه — صفا کلدیکز بزی بوراده کوریرلر

دیو قورقارم، چکیندیکم وار .

سمورقاش — ای قوقوئیچه هیچ اولمازسه آقشام بولوشمغه

وعد بیوریکز .

ایرینی — باقلم چالیشورز .

داندینی، بکزاده ایله قوقونه یه — کورو نمزدن یواشجه جق
آرقه دن یاقلاشه لم .

قادینقو، ایرینی یه — وای باشمزه ، آمان قوقونچه ایشته
طوتولدق ! آمان مانه مو ! الدن کیتمک ، کلیورلر .

ایرینی (یواشجه) — سز صوسکیزده ایکیکیزده بکا باقکیز
(یوکسکدن) سزک بو ایتدیککیز کشی زاده یه یاقیشور حرکت
دکلدر . اولوب کچن لقر دیلری خلق اوکنده دمین هپ انکار
ایتمش ایدیکیز ، بکا حرمت ایتمک سوز ویرمش ایدیکیز .
شمدی کون کچمزدن کندی اویمه کلوب عشق بحی آچغه
جرات ایدیورسکیز ... بنی باشند چیقارمغه بیک قورد مثلی
او قیورسکیز، بیک دره دن صو کتیریورسکیز : آما بن قوجه مه
عهد و پیمانمی بوزان نامرد قادینلردن دکل . آنامدن کوردیکم
طوغریلق یولندن بر زمانده صاپیتام . پدرم بونلری طویسه
سزه او یله ایشلر طوتمسنی او کره دور . لیکن بنم کبی ناموسنی
کوزه دور دیشنی اهلی کورولاق چیقارمقدن حظ ایتمز ، بندن
اولمسون ، بن ینه آغزیمی آچام ، آما سزک بو طوتدیغکیز کار
چای کاری دکلدر . بن ده سزه چای معامله سی ایتم ، بویله
قیو طیشاری قوغارم ، هله ایتدیککیز یانکزه قالماز .

(ایرینی بر باستون آلیز ، و سسورقاشه وورمق ایستر کبی
یابارق داندینی یه وورور)

اوره برنجی مجلس

بکزاده ، قوقونچه از صراغدا ، ایرینی ، داندینی ، قادیقو

قادیقو — اوخ قوقونچه الکنز وار اولسون آغز بکزی
اوپهیم ! او دیلرله بزى آلداده جقمش آکا حالی او کره دیکز .
ایرینی — ایشته حالی کوردی (حیرت ایتمش کبی
کورونه رک) آمان پاتریمو سز بوراده میدسکز !

بکزاده — انکلوس طون اورانون — ! آه جانم ، آه اولادم
بوراده سنک یانندهیم ! وار اول — جکزا کیمو ! کوزم نوری
جانم ! حمد اولسون کورویورم که هم عصمت ، هم عفت ،
هم ده حمیت ، غیرت بابنده سن قاجیولا کی خاندانه لایق سین !
کوتو کمزک بر تازه نهالی سین که شانمزه موافق سین ، کل افندم
سنی آلتندن اوپهیم !

قوقونه — آه اولادم آه ! هو هو ! هو هو ! هم عصمت ،
هم لایق ! هو هو ! کل کلم بنده سنی قوجا قلیوب باغرمه باصهیم
یاوروم ! سوینجمدن طوته میوب زار و زار آغلادم : آه بکا
بو صروتلری کوسترن ملکم ! صوی در چکر ، بکا چکممشین

ہوتون اُلماسم ، ہپ کندیمی کوریورم سن ده ... سکا قربان
اولسون آنک ، آہ قوزیم .

بکزادہ — ای داماد آرتق درجہ سز مسرور اولمی ،
باشکزه چلنک طاقلی . بو کوردیکہ کز سزہ نہ بویوک مروتدر ،
نہ درجہ دہ افتخار و ممنونیتدر : ایشنه شبہ لزوب تاسہ ایدہ جک
بر امارہ واردی ، صوکی باقکیز نہ خیرلو اولدی بیتدی .

قوقونہ از مراغدا — ظاہر ظاہر سوینجدن طبانکیز یرہ
باصماز .

قادینقو — وہ وہ آما وہ وہ ، ماطوپساری — دنیا کوزیدہ
برقادینجق کورسون . بویلہ قاریسی اولان قوجہ ہر کرن آنک
باصدینی یرہ یوز سورملی .

داندینی ، کندی کندینہ — آہ خان یودا آہ !

بکزادہ — ای داماد قیزمک کوستردیکی مروتہ بر شکر

ایتمک یوقی !

ایرینی — آہ باترا — بن اونک شکرینی ایستہم ، آنک
بکا نہ منی وار ، ہر کسک ایتدیکی آدملق کندینہ : بنم ایتدیکم
کندی اوجاغمک شانی ایچوندر . بکا اذن ویریکزده کیدہم
تشکرینی قولاغم طویمسون ، آنک سسنی بیلہ ایشہ یتہ یم ،
یقیلوب بوجاغمہ چکیلہم .

قادینقو، داندینی به — قوقونچه کوچندی آما حق واریا،
آیاغنه دوشوب طاپه جق بر خاونده او هیج سزدن لایقنه کوره
رعایت کورمیور .

داندینی، کندی کندینه — آه خیت قودوبت ! الله
چکسه !

اوره ایکنجی مجلس

بکزاده، قوقونه از مراغدا، داندینی

بکزاده — ایشته اوته کی ایشدن سزه براز طارغینلغی واره
یوزینه کولوب کچرسکیز، خوشجه قالکیز هله کیفکیز چاندی .
قوقونچه ایله باریشکیز عذر دیلر بوشنه کورولتی ایتدیگیزی
عفو ایتدیررسکیز برلکده کوزلجه کچنیرسکیز .

قوقونه از مراغدا — آه وه وه — بنم قیزم ایولکله بیومش
بر کورپه جواندر . او کورمامش، کوتولکله عقلی ایرمز،
فنایه یورمنه کلز . سز ده آنک نازک طبیعتنه خدمت ایتلی .
قالیرا ! غوغا گزک بیتدیکنه بن ده کیدوب سسونهیم، الله
صفا کزی آرتدیرسین ! آما انسان کاه اولور طاغ قالدیرر،
کاه اولور بر داری قالدیردمز، بونده غفلت ایتاملی .

اوره اورمچی مجلس

داندینی (یالکز)

داندینی — آغزیمی آچبورم آچسهم فائده سی یوق جارس
ایله باشه چیقیلماز . بنم بو اوغرا دیغم بلا عجبیا بر قول باشنه
کلشمی در ! باقوبده طالعسنز لکمه شاشیورم . بو بکا اولانلر
نه حالدر . قاریم اوله جق ملعونك شیطانلغی داتم هر اویوننده
کندینی حقلو چیقاریر ، بنی محجوب و حیران ایدر . آه هپ
او اوستون کلوب کوزدنلر هپ بنی می حقسنز چیقاره جق ،
حیاسنك شرتلکی میدانده ، یوزینه اورده میه جغم : یاربی سکا
صیغندم ، بکا یاردمچی اول ، شو ظالم قاری الندن بنی قورتار!
شونك رسوایلغی آچیغه اوریم .

(ایکنجی پرده نك صوکی)

اوچنچی فصل

برنجی مجلس

سمورقاش ، یانقو

سمورقاش — آقشام کچدی ، وقت کچ اولدی . قورقارم
ظلمته قالما سایدق ، نرہ یہ کیدیلہ جکئی بن کورہ میورم . هو !
یانقو ! ...

یانقو — افندیم .

سمورقاش — بورادن می کیده جکز ؟

یانقو — اویلہ صانورم آما تیقلای ! بو نہ قرا کلک کیجہ
اولمش بویله !

سمورقاش — قرا کلک اولوب فنا می ایتدی ، بز یولی
کورہ مزسہ ک ایلده بز ی کورہ مز .

یانقو — مقاری — کرچک اویلہ ! قرا کلک اولدیغندہ
کیجہ نک قباحتی یوغیمش ، آما چلبی سز او قومش بکزادہ ،
هر شیتی بیلورسکیز ؛ عجبا شو کیجہ لر نیچون هیچ کوندوز
اولیور بکا آکلادیورسہ کیز .

سمورقاش — او! یانقو آفرین سن آرتق مسئله صورارسین
های مسخره اینجلمشسین ، او بر بویوک مسئله در ها ! جوابی
کو جدر .

یانقو — اچی اینه ! آه بن او قوسه یدم کیمسه نك عقل
ایتمدیکی شیلری بن قاریشدر بر بولوردم .

سمورقاش — ای اینانلمازده دکل ، زیرا کوروپورمه
سن ده اینجه فکرولوک قیلینی وار ، سن بر عقل ققمه سنی
آندیررسین .

یانقو — آمه آمه البته ! باق بن هیچ (ایرینیکا) آلینقا
او کره ندم آما معناسنی آکلارم . اوته کی کون بر قپو اوستنده
کوردم تشارون دیو یازمش ! تشارو دیمک اولدیغنی او
ساعت بیلدم .

سمورقاش — آفرین ، بیک یاشا یانقو ! آرتق آلینقادن
بیله آکلارممشسین .

یانقو — آمه آمه اقسوروکه ایرینیکا — بوتون کتاب
باشلرینی ، قالین یازولری چیقاریرم . او قومقده بیلورم آما
ایچی اینجه بحره مم . بللو یا آفکرمانلو [*] قیوبره من !

[*] آفکرمانلی قیوبره من — اسکیدن الک مشهور چنکیلر آفکرمانلی
ایدیلر . قیوبرمق هم رقص ایتک ، همده بجرمک باشارمق معناسنه دره .

سمورقاش — ها ایشته اوک دیواری ، طور قادینقونک
 دیدیکی اشارتی قالدیرهلم . (الارینی بربرینه چاربار) .
 یانقو — آه قادینقومی ! او قادینقو آغزلغنجه آلتون
 طارتیلور .

سمورقاش — صوس برسس وار پیتردی اولیور .

ایکنجی مجلس

ایرینی ، قادینقو ، سمورقاش ، یانقو

ایرینی — قادینقو!

قادینقو — قوقو نیچه مو!

سمورقاش — قپوی آراتی قو ...

قادینقو — اورزموساس .

(صحنه قارا کلقدیر ، اویونچیلر یکدیگرینی آرارلر .)

ایرینی — هاه ایشته اونلردر صاقین !

قادینقو — صاقین !

سمورقاش ، قادینقوی ایرینی ظن ایدهرک — قوقو نیچه م!

قادینقو — طور طور بکیزاده بن او دکلم .

ایرینی — سزمیسکیز چلبی سمورقاش ؟

سمورقاش — اوت قوقو نیچه .

ایرینی — حریف خورلایوب اویویور همان ظیار-
سُون، خورتلاسُون . حاضر صرەسی دوشدی سزکله بر لحظه
قونوشمه کلدَم .

سمورقاش — شویله اوطوره جق بریر بولهلم ، ایلیشهلم .
(چفت چفت اوطوریرلر)

اویغنی مجلس

ایرینی ، سمورقاش ، قادینقو، یورغاکی داندینی ، یانقو

داندینی ، کندی کندینه — قارینک آشاغی ایندیکنی ایشیتدم
همان آردندن سکرتردم ، قیوی ده آجیق بولدَم ، عجب نرهیه
چیقوب کیمدی ظبارەسی او کبرەسی .

یانقو — بره قادینقو کلوکدی نرهده سین؟ کل آدام آمان
شو سزک حریف، تی غاداروس پواینه — ! دمنیکی اویونی یوتدی
فیریلداغی چویردیکز ، شمیدیه باق نه تحف آلدادیورسکز .
بزم چلبی قوقونچیه ایله بونده کوروشوب جلوەلشیور ، او
خورول خورول او کوز کبی اویور . آه بیلسیدم دوشنده
نه کورور ، چوق کولردم آما چوق بویوک مسخرهلق ! بره
چوق بویوک ! او قیصقناجلی اویور نور ، قاریسنک قیمتنی بیلمز
او آما اخلطک ایوسنی طاغده آیی ییر . آقادینقو سن نه

دیر سین بونلرہ ؟ هیچ سویلہ میور سین .

داندینی — برہ سن کیمسین ؟ کیمدر او ؟

یانقو — هیچ هیچ ! کیمسہ یوق ! چیتو — نابدید !

داندینی — قاجیردم ، کیمدر بیلہ مدم آما ؟ بزم مردارک

یکی خیانتلہکنی او کرندم . چارہ یوق خیسیملرینی چیغیرتملی دہ

وقت کچمزدن ایش آکلاشیلوب شو حیا سزدن یقہ بی قورتارملی

مارقو ! برہ مارقو برہ !

دردنجی مجلس

ایرینی ، قادینقو ، سمورقاش ، یانقو دیدہ اوطورورلر ؟

داندینی ، مارقو

مارقو — (پنجرہ دن) اورستہ !

داندینی — کل آشاغی قوش چابوق اول !

مارقو — (پنجرہ دن آشاغی دوشر) اورستہ نا آما چابوق

کلدم ها ! (قارشویہ کچر اوزانوب اویور)

داندینی — باق ائی دیکلہ ، سس چیقارمہ ، وار قوش قاین

پدرلہ والدہیہ سویلہ تیز بورایہ بیورسونلر . ایشیدیورمیسین ؟

اوغلان مارقو ! برہ مارقو !

مارقو — اورستہ ! (قوشوب قارشویہ کچر اویویہ قالور)

داندینی — بره نه جهنمده سین! فاقو خرونه دیکله قاین
آتایه کیت یلوارم آمان بکا چابوق کلسونار آکلادوکی هه!
مارقو بره مارقوتی دیاولوس بره غایداره!

مارقو — اورسته (قوشوب کلورکن چاتار ایکیسی
بردن دوشر) های کوپک.

داندینی — آمان بی خورد و خاش ایتدی قولم قنادم
قیرلدی کل بنده سنی اصلادوب قفا کی یاریم کل! خان کل
قاجیور میسین.

مارقو — آی ظاهر قاجارم.

داندینی — کل دیورم.

مارقو — اوخی اوخی کلم.

داندینی — کلو کدی دیدم.

مارقو — آما یوق که دو که جکسین آغا.

داندینی — دوکم کل شکر ایت که سنک لزوموک وار
قوش کیتده (مارقو قوشار) طور بره دیکله (قولندن طوتار)
کیت قاین یدره دیکه یلوارم بورایه پک چابوق کلسونار پک
لازمو ایش ایچیندر دی کچ وقت دیو سوزایده جک اولور لرسه
بر فنالق اولور دی شمدی آکلادوک یا؟!

مارقو — مالسته.

داندینی — ای قوش باقیم یوری! تره خا! چابوق کل!
های بو نه بر سس اولیور طور بر دیکلیم .

بشقی مجلس

ایرینی ، سمور قاش ، قادینقو ، یانقو ، داندینی

ایرینی — آدیوساس — آرتق کیتک وقتی اولدی .
سمورقاش — آه نه عجله وداع ! دها ایرکندر آه سزه
کونلرجه سویله سم دردمک حکایه سی تمام اولماز حالمک بیکده
برینی آ کلاده مم .

ایرینی — بر دهاده قصورینی سویلشورز .

سمورقاش — آه ناصل آریلوب کیده یم یورکه خنچر لر
اورلور فراقدن جهان کوزمه قرارور .

ایرینی — آ جانم ینه بولشورز .

داندینی — های خائن قاری .

سمورقاش — بنم دردم سز بورادن آریلنجه ینه قوجه
حکمنه دوشه جکسکسکز ! سزک لایغسکز اوپله خام خللاط
بر کویلومی ایدی ؟

داندینی — آه یاربی قاری کاشکه سنک اولسیدی کوریدوک !

ایش آ کلاشلدی بن صاوشه یم .

(داندینی آوه کیره رک ، قایوبی ایچرودن قاپار)

التنبی مجلس

ایرینی ، سمورقاش ، قادیبقو ، یانقو

قادیبقو — قوقو نیچه قوجه کزی قاقیوب قنه مق بیتمدیسه
چابوق اولو کز که کچ اولدی .

سمورقاش — آه قادیبقو نه ستمکار سین سن .

ایرینی — آما حق وار آرتق وداعلاشه لم پک کچ

اولیور .

سمورقاش — ای پک ایو نه چاره آیریه لم آما سزک

حضور کزدن مهجور قاله جغم شو آنلرده بنی باری خاطر لیوبده
آجیکز .

قادیبقو — ای بللی یا ، المزه بر موم آلوب او یله آغلا .

شورز . خوشجه قالکز — آدیوساس ، قالینخته .

سمورقاش — قالینخته ساس !

یانقو — قادیبقو — زوئیو ، زهده سین جانم ، قالینخته !

قادیبقو — ای اشته اوزاقدن — قالینخته ، کورلدی ایتمه !

آرته قال .

یہ نجی مجلس

ایرینی ، قادیتقو

ایرینی — اصولہ کیدہ لم .

قادیتقو — وای قپو قپالی .

ایرینی — المختار یانمده .

قادیتقو — آچکز دی تیز اولو کز .

ایرینی — ایواہ ! ایچریدن سورمه لو ، شمدی ناصیل

ایده جکز بیلیم ؟

قادیتقو — یواشجه اوشاغی چغرمه لم : مارقو ! مارقولیتقو !

سکزنہ نجی مجلس

یورغا کی داندینی ، ایرینی ، قادیتقو

داندینی پنجرہ دن — ہا ، مارقو مارقو ، کورر سکزن مارقوی

ای قرارہ سی قاری طوتلدوک ہا ، بن اوپورکن سز طاملردہ

کزرر سکزن اوپلہ می ؟ نہ کوزل — تمام اشته خیرلو قادینلرک

صوقاقدہ کزہ جکلری وقت بو وقت ، ماشااللہ : اما بر صچرارہ

سین چکر کہ ایکی صیچراسین چکر کہ اوچنجدیدہ البت الہ کچر سین !

ایرینی — براز سربنلمیهلمی ، بونده برفنالق وارمی ؟
 داندینی — اوت آلدیغکز سربنلمکی بن واروب کوردم .
 قولاغمله دیکلهدم ، اما آاشفته سربنلک دکل بشقه ایدی ،
 آسورتوک بنم حقمده اوقودیغکز مدحلری بتون طویدم
 — اما بنم امیدم ساده انتقامده در . شمدی آنآک باباک کلورلر
 سنک نه خیرلو افاجان اولدیغوکی ارتق بو سفر ایو آکلارلر ،
 شکایتیه حقلو اولدیغمه قانارلر .

ایرینی — وای باشم آمان نه یاپسه م ؟

داندینی — ای — بونی اوممازدیکزیا ، اشته شمدی بنم
 یوروم اوتر ، سزک چا کیکزه اوت طیقانور ، کبرکزک وحیله
 یازلغکزک کونی بیتر ... بنم چالیشوب چایالادیغ شمدی یه قدر
 یوشه کیتمشدی ، سن هر کسک کوزینی باغمشدوک — کونشی
 چامورله صیواردوک ها ! بن ایشم یوقسه سویلنیم ، هب سنک
 دیدوکلرک دوغری اولوردی — ایلمی یمان بکمی یمان — شیمدی
 یو کره شکرلر اولسون حق میدانه اوراجق ، آهم سنی
 طوته جق — رزالتریکز میدانه چیقہ جق .

ایرینی — آمان بزه قابویی آچدیرکز !

داندینی — یوق یوق ! کله جکلر کلسون ، سزی سیر
 ایدرلر حالکیزی اول وقت کوررسکز ... بوکا باقهلم نه سوز

اویدروب یومرطیه قولپ طاقه بیلورمیسکیز... بر حیلہ بولہرق
بیک چقوردن قورتولورسکیز، بلیک زیارته کیتدیکیز یا آیازمه یه
نذر کوتردکیز... یوقسه قوکشولقده لحوسه امدادینہ می
واردکیز؟

ایرینی — خیر بنم مراحم یلان سویلیوب سزه طولان ایتمک
دکلدر : واقعا خلط ایتدم ، سزک حقکیز وار اما ، بنی عفو
ایدکیز قپویی آچدرکیز ، شو بنی رزیل ایتیکیز .

داندینی — یا ! الله اعلم ، هر یولار کسلدی ... کچر حیلہ
قالندی... شمدی دیلکیزی چیقاروب یلوارمه اولیله می؟ همتسکیز
وار اولسون !

ایرینی — جانم قوجه ! پک یلواروب یاقاردم ، بکا قیمیکیز
قادرین قسمی ا کسک اتک عقلی قیصه در ارکک جومرد کرک .
داندینی — یا ! طویلدکیز ظنم ، قویروق اله کجدی ، آرتق
ایمان قوجه جغم دیرلر ، اولیسی بنم بر کره طاتلو یوزله چهره مه
باقدوکی ایدی ... خان .

ایرینی — ای اشته سزه آند اولسون بر داهارضا کزہ
قارشو کلم .

داندینی — یوق یوق ، بو آلدن قاچره جق ایپ اوجی
دکل ، سزک طاشقینلقلر بر کره میدانہ اوروب آکلاشلملی !
اوخ بنمده بر کیفم چاتسون !

ایرینی — آمان پک یلواررم برده بکا قولاق ویریکنز .
داندینی — ای نه در ؟

ایرینی — بن خطا ایتدم قباحتلویم .. اقرار ایدیورم ،
سزده نه درلو ستم ایتسه کنز حق کنز وار ، اما جاهلہ کمی عفو
ایدیکنز عناده بیندی بویله اولدی بنم کوزم دها بر شی کورما -
مشدی ، هنوز آیاعم صویه ایردی ، هنوز دنیاہ آیاق باصدم .
بر سربستہ کدر ایتدم نادم اولدم . . . عرضمک لکھسی یوق
سادہ بر صایغیسزلق اولدی سزده ترحم ایدکنز .

داندینی — ها ها ، بونلری ہپ یوتوب . . کوز یوموب
ایناملی اویلہ یا .

ایرینی — سزہ ایتدیکم قصوری آکلامزلق ایتیورم . حق
سزده اما پک پشیان اولدم ، عصیانمہ عفو دیلرم - ایولکہ ایولک
ہر کشینک خرجی کملکہ ایولک آر کشینک خرجی - جان و کوکلدن
نیاز ایدیورم ، بنم جرمدن بو سفر کچکنز جانمی یولکنزہ فدا
ایدرم ، تک رسوای اولیم . بنم قلم مروت طانور ، سزہ
مجبوریت حاصل ایدر ، یولسزلقدن بتون بتون کچیم ، ہپ
سزک رضا کنزہ خدمت ایدیم ، سزده بندن آرتق ممنون
اولورسکنز توبہ اولسون توبہ ، قربان اولیم .

داندینی — ها! تمساح بالفی آغلار سین - اما بنی یوتہ مدیغو کہ
آغلار سین !

ایرینی — لطف ایدیکز، لطف ا که سزده خیرینی
کوررسکز — انسان احسان قولیدر .

داندینی — یوق بن بو آغزلره قایق یانشدرم ، بوسوزلر
هیچ قولاغمه کیرمز .

ایرینی — مروت نفسی یکمکده در ، آمانه قلیج اولمز ،
قانی قانله یومزلر قانی صوایله یویارلر ، همدہ بر سورجن آتک
باشی کسيلمز ، بر صوجلہ آدم اصلمز . بندن خطا ایسه سندن
عطا دیمشله .

داندینی — یوق یوق ؛ حیلہ کارک مومی یاتسویه قدر یانار
آرتق سکا قاپلم !

ایرینی — آمان رحم ایله قوجه جغم .
داندینی — یوق سکا مرحمت دکزه قویی قازمغه بکزره .
ایرینی — عزیز باشوک ایچون شو قپویی بر آچدر ، آیاغیله
کلانه اولوم اولمز .

داندینی — یوق ، خیر ، پوته — ! سن کوزدن سورمه یی
چالارسین : شو سزک او یونلر کزی میدانہ اورملیم . فرصتی
قاچرماملی بر دها اله کچمز .

ایرینی — بنی مایوس ایدرسکز ناچار قالورم ، بنده بر
شی یاپارمکه سزی پشیمان ایدرم : او ککه ایله قالقان زیانله اوتوریر ،

صوك پشيانلق اله كيرمز .

داندینی — وار حالوکه الویرنی ایشله — اوککه بالدن
طالودر ! صانکه سن نه یاپارسین ؟

ایرینی — جانم طاق ایدیور، اولومی کوزمه آلور جانم
قیارم — دکزه دوشن یلانه صاریلور .

داندینی — آه باق نه کوزل ! بزده سیر ایدرز .

ایرینی — یوق پک اوילה دیمیکزه. بزم ارامن فنا اولدیغنی
یلورلر، بی بوراده اولو بولورلر، البته بنده دولم دوشم آجیسنی
سزده قومازلر — او وقت انتقام سزدن چیقار، قاشنه جق
طرناق بوله مازسکز، آما دشمن اولسونده بنده الدن کیده م
غم دکل !

داندینی — او کندنی کندینی اولدرمه هوسی چوقدن
کچدی او چاملر شمدی بارداق اولدی .

ایرینی — ای بکا قپویی آچازسه کز عهدم اولسون یأس
انسانه نلر یاپدیردیغنی سز کوزکزله کوررسکز او وقت
آیاقلر کز صویه ایرز .

داندینی — بوش لقردی هپ مارطوال قورقوده جقسین
اوילה می آملورسه ک وار فرنکی سجمله اصل .

ایرینی — ای ظالم بشقه چاره م قالمدی، سن ایسته دوک

اشته باق كور سوزم بوشنه مى ايمش ! (كندېنى چاقى ايله اورور
اوزانوب ياتور) ايواه جان الدن كيتدى ! ياربى شو ظالمدى آهمى
قومه بكا قاتى يوركلو اولان جزاسنى بولسون آه !
داندېنى — واى باشمى بلایه صوqq ايچون خان بر شى
يايمسون ، طور بر موم بوله يمدى باقمى بر شوكا ؟

طفوز مجى مجلس

داندېنى ، قاديئقو

ايرىنى — قاديئقو سن قپونك قنادينه يماك .

اوتجى مجلس

ايرىنى ، قاديئقو (يورغاكى داندېنى ديشارىيه چيقار چيقمز ايجرى
كبرلر قاپىي قاپاتيرلر)

داندېنى ، آئنده برشامدانله — عجب قارى بكا بو كوتولكيده
ايتدىمى ؟ اما كيمسه يوق — بره قاجمش . بن بيلديدىم يا ، يلان
اولديغنى ! بنى قاندره ميه جىغنى درك ايمش ، دفع اولمش . جهنمه !
واى قپو قپانمش ياهو ! تيز قاپويى آچكز !

اوره به نخی مجلس

ایرینی، قادینفو؛ یورغا کی داندینی

ایرینی — کیمدر او! وای سزمیسکیز! عجب نره دن
 کلورسکیز؟ باق شو خیرلو آغانک قیافتنه! انسان اؤینه بویله
 طاک یری آغره جنی و قتمی کلور؟ قوجه دیسه جک طوغری
 صالح، اولو بارقلو آدم بو طاشقینلی، بو آزغینلی نیجه قوللانور.
 قادینفو — قایمه! بتون کیجه سر خوشلق ایدوب خور-
 طلایوب زواللو بر تازہ قوقو نیجه یی بویله اؤنده یالکیز براغوب
 سورتمک... رسوایلق ایتمک آدم اولادینه یراشورمی عجباً؟
 داندینی — نه دیورسکیز سز قی....

ایرینی — هایدی هایدی! صایغیسز! صاللاپاتی! خوریات
 بالدری چبلاق! قباله سی اؤنده اپی بلنده نامرد... سنک
 آزغینلغندن بن آرتق اوصاندم بیقدم! جامدن بزدم. انامه
 بابامه آرتق بنده حالمک طوغریجه سنی دییه یم.
 داندینی — وای سز دها قورقوبده..

اوده ایکنجی مجلس

بکزاده ، قوقونه از مراغدا ، ایرینی ، قادیقو ، یورغاکی داندینی
(بکزاده ایله قاریسی کیجه لکاریلله مارقو بر فناز طاشیر ایرینی
ایله قادیقو پنجه ده درلر)

ایرینی ، بکزاده ایله قوقونه از مراغدا ایله -- آمان جانم
پدر بك ، آمان ننه جكم كللكز شو آدمدن بنم اوجی سز
آلكز ، حالنی کورسون . سرخوش اولوب اولوب اوله
صاپدیور چیلدیریور که نه دیدیکی بیلمیور کندینه مالک دکل -
بن تنهاده قورقیورم بکا ایتدیکی بر چکلمز جفا قالمیور : بونکله
سزدن بشقه کیسه باشه چقه ماز ... سزی چیغرتمش ، سزده
اونک یقه سی آچلمدق غریب بدلالقلرینی کوز کزله کورورسکز ...
بو حریف بتون کیجه کندینی بکلتدکن صوکره اشته بو
وقتلرده اوینه کلیور آنی سویلتسه کز ینه بندن دنیا قدر
اشتکا ایدر ایچوب چاقوب صیزوب دوشنده کوردیکی خیالی
صایقلار ، کرچك دیو نقل ایدر . کیم بیلور نه لر اویدورر :
کیجه صوقاقلره دوشوب کز مکه کیتمش دیو بکا بهتان ایدر .
داندینی -- آمان ماطوئو - نه خائن مرایی !

قادیبقو -- آه قوقونه کلمشده ، بزه باغروب چیغریور ،
 صوقاغه چیقدیکنز دیور ، بلکه کندینی حالا او طه سنده صانیور .
 آمان بز بو آدمدن قورقارز دلی اولمش ، قوردیغندن دونمئور .
 بکزاده -- ماطو یاپومو -- بو ناصیل ایش ، نه دیمک
 اولسون بونلر .

قوقونه -- آمه آمه بو ادبسنلک ، نادانلق ! بزى
 صوقاقلره دوشروب بویله مسخره لقلر دیکلشمک ...
 داندینی -- بن اصلا

ایرینی -- یوق جانم پدر اولماز بن آرتق بویله قوجه یی
 چکه نم : صبرم یاندی هلاک اولیورم ؛ بکا س-ویله مدیکی کوتو
 سوز قالمدی ، پک کوجه کیدیور .

بکزاده -- ماطوسپانیو -- یورغا کی فنا آدم مشس-کنز ،
 آما چوق فنا آدم ، قوری آغاجه قان بولاشدیررسین ! دیلسز
 آغزسز جوان اولادمی بویله ناره یاقق روا دکلدریا !

قوقو -- هو هو ! هو هو !

داندینی -- آما بنده بر کره جک

بکزاده -- وار عارلانده یره کیر !

داندینی -- جانم بر چفت سوز !

ایرینی -- ها سویله دیکز اونى ، س-ویله دیکز باقکز

نەلر دىكلدور، اما كندى لاينى سويلر .

داندینی -- آرتق بوكالدم ، آرتق آپشدم آدملر ، آمانم
ياندی .

قادىنقو -- ايچه ايچه اويله حاللره كيرمش كه نفسنه كيمسه
طيانماز ! قوقوسى بورايه قدر چىقدى .

داندینی -- يالوارم قاين پدر ، نىياز ايدهرم بگزاده !
بنیده بر كره جك

بگزاده -- بر از چكلكىز امان ، نه تعفن - طوقاردياموپونى !
داندینی -- آمان قوقونه جانم طومنىچه ! ساس پرىقالو
بنیده ؟

قوقونه -- پوف ، قوقو اورتهلنى طوتدى ، ايچم قالقدى ،
امان يقين كلىكز ؟ بارى اوزاقدن سرىليكز ؟

داندینی -- اوف جانم يانيور آمان ؟ اشته اوزاقدن سويلم
جانم ؟ ايكي كوزم حقيچون ، باشكز حقيچون كيجه او چىقدى
طشره ، بن يتاقدە ايدم ، بر مدت قپردامدم

ايرىنى -- اشته ديمدمى ؟ قوردى .

قادىنقو -- يا ، يا ! دوسته دشمن باقشلو ! بللو يا ! يقشمش
قىلغنه .

بکزاده -- هاید کدی داندینی، بویله درت آیاغوکی بریره
کتر و بده بنم صقاله می صوغان طوغرامق؟ قیزم آشاغی کلکیز.

اوده اورهنجی مجلس

بکزاده ، قوقونه از سرغدا ، یورغاکی داندینی ، مارقو
قوقونه -- الاته قاتو ، ماتیام ، ، جکرا کیمو .
داندینی -- الله الله یاندم ، آما جانم چیقسونکه بن اومدن
چیقاماشدم او بر کره

بکزاده -- ماتانینام - صوسکدی بونلر چکلور دلیلک
دکل ، صوپاده ، صوپاته طورا ! تی ماسقره لکیا ؟
داندینی -- مولانک قهرینه اوغرایم ، سلامته ایرمم که او ..
بکزاده -- ای پک باش آغریتمدیکیز طادی قاجدی ،
سنزک ایتدیککیز رابطه سنزله زوجه کزدن عذر ایدوبده هان
عفو دیله مکه باقکیز شمدی !

داندینی -- نه بنی او قاریدن ؟
بکزاده -- ها شمدی فنالش-ور ارتق ها ؟ آغز آچوب
جواب ویره جک اولورسه کز بزلرله اویون اوینامنی آرتق سزه
کوسترم ها !

داندینی -- آه یورکی ! آه داندینی قیدوک کندیکه .

اوسه دردخی مجلس

بکزاده ، قوقونه از سرغدا ، ایرینی ، یورغا کی داندینی ، قادینفو ، مارقو

بکزاده — قیزم کلیکز باقم لم قوجه کز سزک عفو کزی

رجا ایتسون .

ایرینی — بن می ا کا عفو ایدہ جکم ، بکا دیمدی کی قالمدی .

ناصیل اونودہ یم اونلری ؟ ناصیل یوز یوزہ باقمه جق ! یوق یوق

پاتیریمو ، کوکم راضی اولوبده بوکا قاتلانہ مز ، بن آرتق انسکله

دیرلک ایدہ مم !

قادینقو — آہ یا ناصیل بورجککیز طیانسون .

بکزاده — آیرلمق کورلدیسز رذالقسز اولمز ، دیله کلورز

ناموسمز بلاسی چکملی ! کبار قسمی زمر یوتسه هضم ایتلی ،

خصمی سکوتله یورملی ییلدیرملی . بو سفر صبر ایدوب سز

عقلولوق ایتلی اویماملی .

ایرینی — ایتدیکی نامردلک لردن صوکره بن ناصل تحمل

ایدہ یم ، یوق یوق اولماز ، ایچریم قبول ایتز ، چکه جک عالم

قالمادی ، ممکن دکل ایستہ مم .

بکزاده — بونی آرتق خاطریم ایچون قبول ایدہ جکسین

(پولا کیمو) ! سکا بنم امرمدر .

ایرینی — آہ، امر کزہ نہ دیہ بیلورم، بنم ده آغزم قبانور
بوینم اکریدر، امر کزلہ آتشیہ کیرہرم .

قوقونہ از مراغدا — آہ اولادم ... جکراکی .

قادینقو — آہ جانم نہ ده قوزی کبی یومشاق باشلو !
آہ دیلسز قوزی ! سنک کوپکک اولسون قادینقو ! سنک دشمنک
کور اولسون ده آتشیہ دوشسون حجابندن !

ایرینی — آہ بکا اولان ستمار نہ قدر آجی اولسه ینہ
سزہ اطاعت ایتمک بورجدر . هر شیئہ قاتلانورم ، آما یارین
ینہ ایدہ جکی اودر ، بللودر کہ خویلو خویندن کچمز ، آلیشمش
قودورمشدن بتدر ، توکی دیکشسه ینہ بیلدیکنی ایشلر .

قادینقو — قوزیچغم ، واه دیلسز قوزی ، آہ آنا بابا
بر دانه جکی !

قوقونہ از مراغدا — هو هو ! هو هو !

بکزاده — ماطو قلپا کیمو — بز آکا رابطہ ویررز .

داندینی — آہ اولور میسین اولدور میسین .

بکزاده — کل داماد دیز چو کیگز .

داندینی — دیزمی ؟

بکزاده — هاده باقیم چوق سیویلنمیکز ، چابوق دیز

چو کیگز دی .

داندینی — ایواہ داندینی! (دیز چوکر) کندیک ایتدوک!
 بکیزادہ — سویلہ باقیم — آ قوقوئیچہ سزہ یلواریرم بکا
 داندینی — آ قوقوئیچہ سزہ یلواریرم
 بکیزادہ — شو ایتدیکم مناسیتسزلیکلری عفو ایلیکیز ،
 پشیمان اولدم .

داندینی — شو ایتدیکمہ پشیمان اولدم (سنی آلدیغمہ خائن)
 بکیزادہ — بر دها ایتیمہ جکمہ توبہ .
 داندینی — توبہ لر توبہ سی ، نصوح نصوح ، آہ جانی
 چیقسون !

بکیزادہ — ایشته داماد کوزو کزی آچیکیز ، یوقسه بن
 کوز کزی آچارم . بو صوک دلیلککیز اولسون ! بر دها سنی
 چکهم ها ! بیلمش اولکیز !

قوقونه از مراغدا — ماتی زوئیو —! بر دها بویله ایدرسه کز
 قاریکیز کیملرک اولادی اولدیغنی بز بیلدیرورز ، او آنا بابا
 اولادیدر — آہ ! اولادم جکرا کیمو .

بکیزادہ — ایشته کون طوغه جق ، طاک یری آغاردی ،
 شفق آتیور ، کونش بیله طوغیور کیده لم . او کزہ واروب
 اوصلو کچنمکه باقکیز — قوقونه مو ! واروب استراحت
 ایدم .


اوره بشنخی مجلس

يورغا کی داندینی (یالکنز)

داندینی — آرتق بن واز کچدم ، دردمه بر علاج بوله جغم
 یوق : اکر طامدن دوشسه بوقاری درت آیاق اوزره دوشر .
 بنم کبی اولنمزدن قاریسنی آیو صوروب صوروشدیر میان احمق
 بر ظالم النه کچرسه ، آنک اھون علاجی قوشوب باش آشاغی
 بر درین قوی یه آتلقدر . همان غمی ذوق ایدوب عمر اولدجه
 زنجیری سوریملی . آه سن ایتدوک کندیکه آ یورکی ! آ داندینی !

صوک







جهان كتابخانه سنك طبع ايتديكى

« مشاهير آثار » كلياتىندە انتشار ايندۇر .

غروش	مۆلفى	
۱۵	ايپسەن	مجلدى ۳۵
۴۰	غوتە	» ۶۰
۱۵	مولير	مترجمى احمد وفیق پاشا
۲۰	»	»
۷۵	ارکك قیز	ويقتور مارشريت مجلدى ۱۰۰
۷۵	أشئ	» ۱۰۰
	ذېلى	

جهان كتابخانه سنك طبع ايتديكى رسمى بيوك سینه مار ومانلىرى:

۱۵۰	ونديك تاشقلىرى	ميشەل زە واقو	مجلدى ۱۷۵
۱۳۵	بيك برکيجە حکايەسى:	کل نەال سلطان:	دهشتلرديارنده:
۱۷۰	جانلى مزارلر		مجلدى ۱۷۰
۷۵	شيخ		مجلدى ۷۵
۸۰	قارباز دوختور مابوز		» ۸۰

۵۰	تاريخده كوزل قادىنلر:	محمد انيسى بك
۱۰	سوسياлистلرک آلهى	»
۱۵	مايمونك دفترى	»
۷۵	فاره - تمثيل لايتغير كلياتندن - عشاق زاده خالە ضيا بك	
۲۰۰		مجلدى ۲۰۰
۲۵	عشق قادىنى	محمد اړؤف بك
۳۵	كوچوك بورجلو - رسمى بيوك عائله رومانى: رمزى اوغوز بك	

فيثاقى ۲۰ غروش